

欽定四庫全書

普濟方卷二百五十五

雜治門

卒死

神詩

明周王朱橚撰



撰

夫卒死者由三虛而過賊風也所謂三虛者謂乘年之衰也逢月之空也失時之和也人有三虛而為賊風所傷使陰氣偏竭於內陽氣阻隔於外二氣壅閉故暴絕

如死也內經云出入廢則神機化滅升降息則氣立孤危蓋謂是也若臟腑氣未竭者良久乃蘇然亦有挾鬼神之氣而卒者皆是鬼邪退乃活也凡中惡及卒忤卒然氣絕者後得蘇若其邪氣不盡者即停滯心腹令人腹痛或身體沈重不能飲食而成宿疾而變成症也甲乙經云得三虛者乘年之衰逢月之空失時之和因為賊風所傷也得三實者逢月之滿得時之和有年之盛遇賊風邪氣不能傷也

方

五神返魂丹

出聖惠方

治卒死但有微氣心上稍暖者

朱砂

半兩

兩牛黃

半兩

安息香

半兩

兩砒霜

半兩

大蜘蛛

五枚

重

午日採

袋內盛過風勿死

右先研四味方入蜘蛛又研勻令不蛀皂莢三寸去

黑皮以水三合按汁便入粟米飯煮令水盡和丸如

梧桐子大如中惡卒死及急風者但有微氣以新汲

水研下一丸如昏迷加一丸立活無疾常服一丸至

老無病

治男子婦人小兒忽然行坐地死去

用銅鑼金鼓衆人亂叫不以時自張口眼以熱湯灌之即恐得人笑也必安

南嶽紫虛魏元君起死迴生散

出聖惠方

凡卒死者皆因一

時閉氣不通元非病久命絕不救則枉死當以此藥治

之

用半夏一味無製度為細末以竹筒蘆筒鷲翎管吹

入兩鼻死半日心頭尚溫不過三四次或噴嚏吐痰涎但元氣一通即回生矣百發百中真仙方也所謂卒死者中風死痰厥死氣死產死打死溺死自縊死中暑死諸癩死咽喉死乳鴛死心痛死小腸氣死魘死腳氣死跌死驚嚇死墻壓死鬼迷死絞腸痧死凍死針灸死受杖死失血死椒閉死醉死頭暈死烟槍淘井死諸毒虫傷悶亂死凡居家或出路須以此藥隨身骨體者亦可吹之刺噴嚏而出兼治六畜雖非

人亦物命也一方云昔有人忽遇一異人遍身雪白  
自云吾即救之人命凡人非命已死無氣吾能生之  
吾即半夏也可用吾為末以竹筒吹入鼻中良久即  
甦後用果驗

治卒死無脉無化形侯陰陽俱竭故也

出千金方

右牽牛臨鼻上二百息牛舐必瘥牛不肯舐著鹽汁  
塗面上牛即肯舐

又方出千金方治卒死及四肢不收失便者

用牛馬屎絞取汁飲之無新者水和乾者亦得肘後  
方云乾者以水溺解之此扁鵲法一方用馬屎一升  
水三斗煮取三斗洗足又取牛洞稀糞和一升溫酒  
灌口中灸心下一寸臍上三寸臍下四寸各一百壯  
瘥

又方

出聖惠方

扁鵲云治忤有救卒符並服鹽湯法恐非當

世所能故不載而此病在入所謂卒死與中惡鬼擊相  
類為治參取而用之已死者可活

用搗菖蒲生根紋汁灌之立瘥一方為末吹鼻中又末納舌下尸厥之病雖死脉猶動聽耳中如微語聲股間暖是也

治卒死壯熱者出聖惠方

用礬石半斤水一斗半煮礬石消以浸脚及踝即甦

救卒死或先病或常居寢奄忽而絕皆是中惡出聖惠方

右割雄雞冠取血塗其口乾後復塗并以灰營死人

一周一方塗喉中又吹喉中亦可塗其面吹鼻中妙

治卒死而目閉者及救死或先病或常居寢臥奄忽而

絕皆是中惡

右騎牛臨其面搗薤汁灌耳中又皂莢末吹鼻中妙

一方薤汁灌鼻中

南嶽夫人方出聖惠方治卒死

用搗女青屑一錢安喉中以水或酒下立活亦可醋

下

葱刺耳方出聖惠方

右以葱刺耳中鼻中血出者勿怪無血難療有血者是活侯也其欲蘇時當捧兩手莫放之須臾死人自當舉手擄人言痛乃止男刺左鼻女刺右鼻令七八寸餘此方大良立效亦療自縊死

療卒死而有脉形侯陰氣先盡陽氣後竭故也

用嚼薤哺灌之

追魂湯

出三因方

治卒厥暴死及主客忤鬼擊飛尸奄忽氣

絕不覺口噤

麻黃

去節

杏仁

去皮尖

甘草

炙一

百五十箇

右為劉散每服四錢水一盞半煎七分去滓灌之通

治諸感忤或口噤不開去齒下湯湯入口活不下分

病人髮左右捉搦肩引之藥下漸甦令服盡取効千

金方有桂心二兩金匱云寸脉沈大而滑沈則為實

滑則為氣實相搏血氣入臟則死入胃則愈若卒厥

唇口青身冷為入臟即死身和汗出則愈

治中熱死

出傳信  
適用方

以本頭巾湯浸洗汁服

救卒死亦治中惡

出金匱方

用雞肝及血塗面上以灰圍四旁立起

治忤打死心猶暖宜用此法

出聖惠方

右取葱白納於下部中即鼻中須臾即活

又方

出聖惠方

右截狔尾取血灌之并縛狔以枕之死人須臾活矣

又方

出聖惠方

右用小便灌其面數即能迴語此是扁鵲法

治烟薰迷悶欲死者

以蘿蔔汁灌即活乾則水搗亦可

又方

出千金方

以熨斗灸兩脇下解急方云又治尸厥

治疫死者

出本草

用返魂香燒之死者聞香再活 按漢書武帝時西

國進反魂香云聚屈洞中上有反魂樹採其根於釜

金匱要略卷之四十五  
卷一百五十五

中以水煮候成汁方去滓重火煉之如漆候凝則香

成也

治忤死 出本  
草

先以衣三重藉忤死人腹上乃取調器若瓦盛熱湯

著衣上湯冷去衣大冷換湯即愈

治卒暴亡未移時者 出本  
草

取臘月雄狐膽溫水微研灌入喉即活常須預備救

人移時即無及矣

起卒死救生丹 華陀中  
藏經方

大黃 半兩 瀉  
紙煨 膩粉 半兩 朱砂 一分 雄黃 一分 巴豆 七箇 去  
皮去油

右用鯢魚膽團雞頭大用童子小便下一丸挖開口

灌之內大葱尾一寸許入鼻中如人行五七里當吐

涎即活

治睡死者

用蠱實根一握水絞取汁稍嚙之口噤灌之 蠱實即  
馬蘭也

自縊 附論

欽定四庫全書

普濟方

仲景云凡自縊死心下微溫者一日猶可活葛氏云心下儻微溫雖久猶可活二家所論必須有暖氣陰陽未盡根本尚存則可以救苟非此雖死未良久必不活也大抵自縊以升降出入之氣暴絕不通若解其繩有法者固有復生之理解失其理體雖尚溫不能無害所謂救經引其足也仲景葛氏各有辨證并解繩法詳審之凡自縊若覺纔死徐徐捧下其陰陽經絡雖暴壅閉而臟腑真氣尚或未盡所以救猶可療若見其垂掛忽

遽截斷其繩則不可救此言氣已壅閉繩忽暴斷其氣雖通而奔逆氣不能還即不復得生又云自縊死旦至暮雖已冷必可活暮至旦則難療謂其晝則陽盛其氣易通也夜則陰盛其氣難通也又云夏則夜短又熱則易活又云氣雖已斷而心微溫一日已上猶可治也蓋夏時夜短於晝又熱猶應可療心下微溫者一日以上猶可活然皆徐徐抱解不得絕截繩上下安被卧之一人以脚踏其兩肩手挽其髮常強強勿縱之一人以手

投據胸上微重之一人摩搏臂脛屈伸之若僵但漸漸強屈之並按其腹如此一炊頃氣從口出呼吸眼開而猶引按莫置亦勿勞之須以小桂心湯及粥清含與之纔令濡喉漸漸能嚥乃稍止耳兼令兩人各以管吹其兩耳彌好此最善無不活者 自縊死心下尚溫雖久猶可活法徐徐抱解其繩不得斷之懸其髮令足去地五寸許塞兩鼻孔以蘆管納其口中至咽令人噓之有頃其腹中礮轉者是氣通也其舉手擡人當益堅促持

更遽噓之若活了能語乃可置耳若不得掛髮可中分髮遶兩手捧弦耳 凡自縊死從早至夜雖已冷必可活從夜至早稍難若心下溫一日已上猶可救款抱其身緩緩解繩切不得截斷繩故卧令人踏其肩以手按其髮常令一人繫以手擦胸脇散動一人摩捫臂足屈伸之若已僵但漸漸強屈之及按其腹如此一飯久即氣口中出得呼吸眼開勿苦勞動可用小官桂湯及粥清與之令潤喉更以兩人以筆管吹其耳中尤好若依

此救無不活者又法緊用手卷其口勿令透氣兩時許  
氣急即活

治自縊死

出千  
金方

凡救自縊者極須按定其心勿絕繩手抱之徐徐解  
之心下尚溫者以氈覆口鼻兩人吹其兩耳一方以  
衣物塞兩耳將竹筒口中重吹氣入仍塞口莫使氣  
出可活

又方出千治自縊死及中惡氣欲絕者

金方

用皂莢細辛搗屑如胡豆大吹兩鼻中又有皂莢末  
以蔥葉吹鼻中

又方

出十便  
良方

刺雞冠血出滴著口中即活男雌女雄塗喉亦可一  
方男雄女雌

又方

出肘  
後方

用雞屎白如棗大酒半盞和灌口及鼻中佳

又方

出千  
金方

金匱要略卷之四

卷之四

金匱要略卷之四

卷之四

十一

用標上塵如大豆許各納一小竹筒中四人各捉一筒時吹兩耳兩鼻即活

又方

出千金方

用尿鼻口眼耳中並捉頭髮一撮如筆管大製之立活

治自縊急救之方

出肘後方

急手掩其口鼻勿令內氣稍出二時許氣至即活

治自縊急救方

出十便良方

牽起其頭髮以物塞兩耳仍以蔥葉刺鼻中兩人極力痛吹之齒其兩角跟即活亦可塞鼻而吹其口亦活也一方捉其頭髮令其足纔至地一時即活

治自縊死

出千金方

以藍青汁灌之

治自縊死

出聖濟總錄

以松子油納口中令得入咽中便活又治溺死

治自縊急救之未活以車載之法

出聖濟總錄

以絹纏身體令堅以車牛載行三十里許使人於車上行踏肩引髮如前

治邪厲縊溺魔死中暑凍死諸卒死凡卒死或先疾病

及寢卧忽然而絕皆是中惡

出經驗良方

用葱黃心或韭黃於男左女右鼻中刺入深四五寸

令同目中出血即活

又方

出聖惠方

用綿浸好酒半盞用手按住患人手足勿令驚滴酒

入鼻中

又方

出聖惠方

視其上唇裏強有青息肉如黍米大以鍼決去之瘥

又方

出經驗良方

用羊屎燒煙薰鼻中

又方

出後方

治心下尚微温久猶可活

徐徐抱解繩懸髮令人去地五寸許塞兩鼻孔以蘆

筒吹納其口中至咽令人噓噓有頃其腹中驚驚轉

是氣通也若活了可置耳若不懸可分中髮燒三指撮兩手牽使髮懸

又方 治自縊死

用繩燒三指撮服之

治五絕 一曰自縊二曰墻壁壓三曰溺水四曰魘魅五曰產乳凡五絕皆以半夏一兩搗篩為末丸如大豆納鼻中愈溫者一日可治

溺水

附論

凡人沈溺水中水入腹則冷氣閉暴絕而死救活之法宜泄其水使氣得通則可復活若救之後時水不得出心下不溫者難古法或經半日及一日猶有可療者謂其氣雖絕心下猶溫則亦可療也

方

治溺水死已經半日

右取大甕覆地以溺死人腹伏甕上以微火於甕下然之正對死人心下須臾死人心下甕暖口中水出

盡則甦勿令過熱

治溺水葱汁導水

取不蛀皂莢為細末以葱白汁或糞瓢和丸如棗核  
大納下部中導其水自出

治溺死酒灌活

倒垂死人以好酒灌鼻中又灌下部或醋灌鼻中亦  
得

治忽溺水死者

右卧倒漚却水便於肚上多著灰掩之仍以皂莢末  
吹鼻中即活

治溺死石灰壅之得活

右取石灰壅之俟下部中水出盡即活一方綿裹石  
灰納下部中

治溺死水導水

取皂莢為末綿裹於下部伏面向下須臾水從口鼻  
中出仍多取灰覆籍水盡則活

治落水死

以灶中灰布地令厚五寸以甑側著灰上令死者伏於甑上使頭小垂下抄鹽二方寸匕納竹管中吹下孔中即當吐水水下應下甑已死者著灰中壅身水出鼻口即活

又方

掘地作坑熬數斛灰納坑中下死人覆灰濕徹即易勿令太熱糟人灰冷更易半日便活

又方

取大甑傾之死人伏其上令死人口臨甑口然葦火二七把燒甑中當死人心下令煙出少入死人鼻中水出盡則活火盡復益上之常以手候死人身及甑勿令其熱當令火氣能使死人心下得煖卒無甑者於岸側削地如甑空心下如蛙燒令暖以死人著上亦可用車轂為之勿令引其腹令死人低頭水得出并炊灰數斛令煖身濕更易溫者外臺秘要甑作甕

天方

但埋死人煖灰中頭足俱溫惟開七孔水出即活

天方

便取煖釜覆之取溺人覆上腹中出水便活一方作  
暖衣覆之

救溺水法

凡人溺水者救上岸即令溺水之人將肚橫覆在牛  
背上兩邊用人扶策徐徐牽牛而行以出腹內之水

如醒即以蘇合香丸之類或老薑擦牙若無牛以活  
人於長板凳上仰卧即令溺水人如前法將肚抵活  
人身上水出則活又灸臍中百壯

治溺水心頭尚溫

用人抱定令頭微仰令口於鼻中吸出黃水却先用  
綿絮焮其下體及陰囊處即活如無綿絮可用灰數  
十籬通體埋蓋祇留面在外令頭仰亦可活

凡溺死一宿尚可救

屈死人兩脚著生人肩上以死人背貼生人背擔走  
吐出水即活亦療凍死

又方

倒懸解去衣去臍中垢令兩人以筆管吹其耳中

又方

熬熱沙覆死人面上下著沙祇留出口鼻耳沙濕令

換之

又方

或熱沙或炒熱灰將溺者埋於其中從頭至足水出  
七孔即活

又方

出聖  
應方

解死人衣灸臍中即活數方皆効多以為氣絕而不  
可傷數方從便而用之

又方

出危  
氏方

以酒壘一箇以紙錢一把燒放壘中急以壘口覆溺  
水人面上或臍上冷則再燒紙錢於壘內覆面上去

水即活

凍死 附論

夫人在途路逢風寒苦雨繁霜大雪衣服霑濡冷氣入臟致令陽氣絕于外榮衛結澁不復流通故噤絕而死若早救療血溫氣通則生又云凍死一日猶可救過此則不可療也

方

治凍死 出聖惠方 於冬月落水凍四肢直口噤尚有微氣者

或因風雨霜雪冷氣入臟陽氣暴絕致噤絕者

右以大器中多熬灰使暖囊盛以搏其心冷即更易心暖氣通目則得轉口亦及開可與溫酒服粥清稍稍嚙之即活若不先溫其心將火炙其身冷氣與火相搏急即不活也

治凍死人救活宜與此藥一兩服 出傳信適用方

水薑 一兩和皮剉碎 陳皮 不去白一兩剉碎

右共用水三盞煎至一盞半放溫與服不可冷不可

熱

又方

出經驗良方

用糴或藁薦裏之以索繫定放在平穩處令兩人對面輕輕衮轉往來如捍糴法四肢溫和即活仍炙臍中三五壯冬月凍倒人即與冷水一兩口扶在煖溫處不得與熱湯及向火必死雪泥中行便近火即脚指隨落

入井塚悶

附論

夫肘後云此事他方少有其說且人寡為之不俟別滌今於水東之後尋此是地氣歎蒸蓋亦障霧之例服諸解毒犀牛雄黃麝香之屬豉豆竹瀝升麻諸湯為佳

方

療入井塚悶冒

出十便良方

凡五月六月井中及深塚中皆有伏氣令中鬱悶殺人如必須入其中者先以雞鴨雜毛投之直下至底則無伏氣毛若徘徊不下則有毒氣也亦可納生六

畜等入其中若有毒其物即死若無六畜當先以酒數升滴灑井塚中四邊畔停少時然後可入若覺中有此氣鬱悶奄奄欲死者還取其中水令飲之飲之後又以灌其頭及身體即活若無水取他井水用可也

夏月不可淘井多致殺人

出傳信適用方

宜先以雞毛故井中試中如搖動不肯便下是有毒氣不可入古塚亦然五月七月尤甚如已中毒以水喫其面並含水調雄黃末一二錢轉筋入腹痛甚者

使四人捉手足灸臍右邊二寸十四壯又生薑一兩劈破酒五盞煮濃傾服又醋煮衣絮令溫裏轉筋處又濃煮鹽湯通手足洗胸脇間

療入井塚毒氣

取他井中水灑身上至三食頃便活東井取西井南井取北井水用之

又方

出時後方

治五月七月深井塚有毒氣殺人入過毒者

以水喫其面并含水以雄黃犀角麝香調服

怪疾

方

治遍身忽皮底混混如波浪聲痒不可忍抓之血出亦

不得解謂之氣奔

出經驗良方

人參 苦杖 青鹽 白朮 細辛 各一兩

右為末作一服水二碗煎十數沸去滓飲盡便愈

治十指斷節壞唯有筋連無節肉虫出如燈心長數

尺餘遍身綠毛卷名白血餘

出經驗良方

以茯苓胡黃連煎湯飲之即愈

治因著艾炙訖火痴便退落瘡內鮮肉片子飛如蝶形

狀騰空去了痛不可忍是血肉俱熱

出經驗良方

用大黃樸硝各半兩為細末水調下即愈

治眼赤鼻張大喘渾身出班毛髮起如銅鐵乃目中熱

毒氣結於下焦

出經驗方

用白礬滑石各一兩為末都作一服水三碗煎至半

令不住飲候盡乃安

治手甲忽然倒長生肉刺如錐痛不可忍出虎氏方

右喫葵菜即愈

治眼睛垂至鼻如黑角色痛不可忍或時時大便血出

其名曰肝脹

出經  
驗方

用羌活煎汁服數盞自愈

治腹中有物作聲隨人言語

用板蓋汁一盞分五服服之又名應聲蟲當服雷丸  
自愈

治人自覺自形作兩人並卧不別真假不語問亦無對

乃是神離

出經  
驗方

用辰砂人參茯苓濃煎湯服之真者氣爽假者化矣

治頭面發熱有光色他人手近之如火燒人出經  
驗方

用蒜汁半兩調酒下吐出蛇狀遂安

治鼻中毛出晝夜可長一二尺漸漸麤圓如繩痛不可

忍如摘去一莖即復更生此由食猪羊血過多遂生出經

驗  
方

用乳石礪砂各一兩為末以飯丸如梧桐子大空心  
臨卧各一服水下十粒自然退落一方用乳香不用

乳石

治腸破腸出臭穢出經驗良方

急以油摸腸用手送入煎人參枸杞淋之皮自合矣

喫羊腎粥一十日即愈

治忽然氣上喘不能語言口中汁流吐逆齒皆搖動氣

出轉大則悶絕蘇復如是名曰傷寒熱霍亂出經驗良方

用大黃人參末各半兩水三盞煎至一盞去滓熱服

可安

治渾身生燎泡如甘棠梨每箇破出水內有石一片如

指甲纔大泡復生抽盡膚肉則不可活出經驗方

右急用京三稜蓬莪朮各五兩分三服酒調下連服

愈

治項上生瘡如櫻桃大有五色瘡破即項皮斷上連髮

卷去下去足脫之乃為肉人疾罕見此瘡出危氏方

右但逐日用牛乳自消

治大腸頭出寸餘痛苦直侯乾自退落又出名為截腸

病若腸盡乃不活矣但初覺截餘寸治之

出經驗良方

右芝麻清油器盛之以臀坐之飲大麻子汁數升愈

治口鼻中腥臭水流以碗盛之有鐵色鰕魚如粳米大

走躍不住以手投之即化為水此肉壞矣

出經驗良方

用任意饌食雞月餘愈

治脚心凸如腫上面生黑色豆瘡硬似釘子履地不得

脛骨生碎眼水流出身發寒顫唯思飲酒此是肝腎氣  
冷熱相吞

用炮川烏頭末傅之煎韭子湯服可愈

治四肢節脫但有皮連不能舉動名曰筋解

出經驗良方

以酒浸黃蘆二兩經一宿取出焙乾為末每服二錢

酒調下服盡安

治腹漲如鐵石臍中水去旋變若蟲行之狀繞身匝啄

痒痛難忍撥掃不能盡

出經驗良方

用濃煎蒼朮湯浴之及用蒼朮末入麝香少許以水調服痊

治有飲油五升以來方始快意長得喫則安不爾則病

此是髮入胃被氣血裹了化為蟲也

出經驗良方

用雄黃半兩為末水調服蟲自出如蟲者活置於油

中逡巡間連油潑之長江

治卧於牀四肢不能動祇進得食好大言說喫勿謂之

失說此名物望病

出經驗良方

其治如說食猪肉時便云你

喫猪肉一頓病者聞之即喜遂置肉令病人見臨要不與喫此乃失他物望也當自睡口中涎出便愈

治眼白人渾黑見物依舊毛髮直如鐵條雖能飲食不

語如醉名曰血潰

出經驗良方

用五靈脂二錢為末酒調下

治臨卧時渾身虱出約至五升隨後血肉俱壞每宿漸

多痒痛不可名狀惟喫水卧牀上晝夜號哭舌尖出血

不止齒俱黑唇動鼻開

但飲鹽醋湯十數次即愈

治口鼻中氣出盤旋不散凝如黑色過十日漸漸至肩  
胸與肉相連堅勝金石鐵無由飲食此多因瘧後得之

出經驗

良方

右煎澤瀉湯日飲三盞連服五日愈

治遍身忽然肉出如錐即痒且痛不能飲食此名血住

若不速治之潰而膿出出經驗良方

以赤皮葱燒灰淋洗喫豉湯三盞自安矣

治眉毛搖動目不能視交睫喚之不應但能飲食有經

日而不效者出經驗良方

用蒜二兩取汁酒調下即愈

治毛竅節次血出者若血不出皮脹膨如鼓須尖眼鼻

口被氣脹合也此名脉溢夏子益治奇疾方三十八道

唐與義刊印于上饒其間一二證昔嘗見有病之者皆

莫知所以治療之法得子益之方敢以附此書之末用

廣其傳出危氏方

右飲生薑水汁各半蓋安

治血自皮膚澱

以煮酒瓶上紙碎攤如楊花用手捏在出血處立止

昔廬陵明田李教諭梅心傳治怪疾奇方

出經驗良方

袁州分宜縣有一男子自十歲喜飲酒至十九歲日

間飲一二斗不醉無酒叫呼不絕全不進食日就羸

斃其父驚惶叩神或遇一道人令其父用手巾縛其

手足不令搖動但扶住少立却取生辣酒一壺就於

其子口邊打開其酒氣衝入口中病者必欲取飲而

道人堅不肯與之須臾口中吐出物一塊直下壺中

道人即用紙封塞壺口用猛火燒滾約酒乾一半却

開視之其一塊如猪肝樣約三兩重周迴有小孔如

針眼不可數計棄之江中自從此子飲食復舊雖滴

酒不能飲矣

治居民逃避石窟中賊以火煙薰之

出經驗良方

昔學師者被煙薰欲死迷悶中摸索得一束蘆葦俗

名蘿蔔嚼汁下咽而甦蘆服細物活人之功如此又炭煙薰人往往致死臨卧含蘆服一片著口中煙氣不能毒人或預曝乾為末備急用亦可新水搗爛乾蘿蔔飲之亦可

昔曾有一人自行因顛穿斷舌下血出不止諸藥不能

救

出危氏方

以米醋用雞翎掃所斷舌處其血即止仍用真蒲黃杏仁湯泡去皮尖鵬沙少許研為細末用煉熟蜜調

### 藥稀調含化而安

治人身上及頭面肉上浮腫如蛇狀者

出經驗良方

以兩滴堦磚上苔痕一錢水化開塗蛇頭立消

### 救急瘦疾

以甘草三兩炙每旦以小便煮三四服頃服之

昔有人卧忽不寤若火煦之則殺人但痛齒其踵後足拇指甲際而多唾其面即活犀角枕佳或以清水木香納枕中并帶

昔江右嘗有商人左膊上有瘡如人面亦無他苦其人戲滴酒口中其面亦赤色以物食之亦能食食多則覺膊內肉脹起或不食則一臂痺有善醫者教其歷試諸藥以草木之類悉試之無苦至貝母其瘡乃聚眉閉口其人喜曰此藥可治也因以小葦筒毀其口灌之數日成痂遂愈然不知何疾也

昔華陀行道見車載一人病咽塞不下呻吟陀示店家以蒜齏大酢三升飲之當痊果吐大蛇一枚而愈

本出

草

昔南齊褚澄為吳郡守李道愈到郡澄見謂曰汝有重病答曰舊有冷病至今五年眾醫不瘥澄為診曰汝病非冷非熱當是食白淪雞子過多所致令取蘘一升煮服乃吐一物如升旋裏之能動開者是雞雛羽翅瓜距具足能行走澄曰此未盡更服所餘藥又吐得如向者雞十三頭而病瘥當時稱妙一說乃是蒜煮服之

治濕浴後忽天柱骨倒王荆公得  
噤口密方

用多年五苓散一年者亦可用每服三錢重燈心七

莖竹葉三莖烏梅三箇同煎湯調下

治有蟲如蟹走於皮下作聲如小兒啼為筋肉之化經出

方 驗良

用雷丸雄黃各一兩搗羅為末摻在豬肉一斤上炙

熟喫盡安

治血澱

用槐花半升炒為細末傳之

治腹上麻痺不仁出危  
氏方

右多煮葱白喫之自愈

凡腹脹經久忽瀉數升晝夜不止服藥不驗乃為鬼脫

出危  
氏方

用益智子煎濃湯服立愈

治玉莖硬不痿精流不歇時時如針狀控之則脆乃為

腎蒲漏疾

韭子 破故紙各一兩

右為末每服二錢水一盞煎至六分每日三次飲之  
愈則住服

治眼前常見諸般禽蟲飛走以手捉之則無乃肝膽經  
所為疾

酸棗仁 羌活 元明粉 青箱子花各一兩

右為末每服二錢水一大盞煎至七分和滓飲一日  
三服

治面上及遍身生瘡似貓兒眼有光彩無膿血但痛痒

不常飲食減少久則透腫名曰寒瘡出危氏方

右多喫魚雞韭葱自愈

治口内生肉穢臭惡自己惡見有根線長五寸餘似釵

股吐球出以飲食了却吞其線以手輕捏痛徹於心困

不可言出危氏方

用水調生麝香一錢服三日驗

治婦人產後兩乳伸長細小如腸垂下直過小肚痛不

可忍危亡須臾名曰乳懸出危氏方

右將川芎當歸各二斤半剉散於瓦石內用水濃煎不拘時候多少溫服餘一斤半剉作大塊用香爐慢火逐旋燒煙安在病人面前桌子下要煙氣直上不絕令病人低頭伏桌子上將口鼻及病乳常吸煙氣直俟用此一料藥盡看病証如何或未全安略縮減再用一料如前法煎服及燒煙薰吸此二料必安用盡雖兩乳略縮上而不復舊用水磨葶麻子一粒於

頭心上塗片時即洗去則全安矣

治婦人臨產服催生藥太早未嘗離經而用力太過以致育摸有傷產後水道中垂出肉線一條約三四尺牽引心腹痛不可忍以手微動之則痛苦欲絕出危氏方

右先服失笑散數服仍用老薑數片洗淨不去皮於石臼之內研爛用油二升拌勻入鍋內炒熟以油乾焦為度先用熟絹一段五尺長摺作結方令穩重婦人輕輕盛起肉線使之屈曲作一團納在水道口却

用絹袋兜裏油薑稍溫傳在肉線上薰覺薑漸冷又用熨斗火熨熱使之常有薑氣已過除去又用新者如薰熨一日一夜其肉線已縮大半再用前法越兩日其肉線進腹中其病全安却再服失笑散芎歸湯補理切不可使肉線斷作兩截則不可醫

雜病

附論

千金論云聖人之道以慈濟物博求衆藥以戒不虞倉卒之際應手皆得故有萬病方焉凡以諸方散在羣典

乃令學者難於討尋遂鳩撮要欽以為斯品庶使造次可得好事君子安不忘危無事之暇可預和合以備療可也

方

耆婆萬病丸

出千金方

治七種辟塊五種癩病十種疰忤七

種飛尸十二種蠱毒五種黃病十二時瘧疾十種水病

八種大風十二種痺痺並風入頭眼暗膜及上氣咳嗽

喉中如水雞聲不得眠卧飲食不作飢膚五臟滯氣積

聚消壅閉不通心腹脹滿及連胛背鼓氣堅結流入四肢或脹心隔氣時定時發十年二十年五瘥五腫下利疾赤白諸蟲上下冷熱久積痰飲令人多睡消瘦無力陰入骨髓便成滯患身體氣腫飲食嘔逆脚腰酸疼四肢沈重行立不能久婦人因產冷入子臟臟中不淨或塞閉不通胞中瘀血冷滯出流不盡時時疼痛為患或因此斷產并小兒赤白下痢及胡臭耳聾鼻塞等病此藥萬病悉除故稱萬病丸以牛黃為主故一名牛黃丸

以耆婆良醫故名耆婆丸

牛黃

麝香

犀角

各一分

茯苓

桑白皮

乾薑

桂心

當歸

芎藭

芍藥

甘遂

黃芩

蜀

椒

細辛

桔梗

巴豆

前胡

紫莞

蒲黃

葶歷

防風

各一分

蜈蚣

三人

參

一分

朱砂

一分

蜥蜴

寸

雄黃

黃連

大戟

芫花

禹餘糧

芫青

上

各一分

右並令精細除牛黃麝香犀角朱砂雄黃禹餘糧巴

豆別研餘者合搗重絹下篩以白蜜更搗三千杵蜜封下破除日旦空腹酒服三九如梧桐子大取微下三升惡水為良若卒暴病不拘平旦早晚皆可服但以吐利為度不得限以九數病強藥少即不吐利更非他故若其發遲以熱飲汁投之若吐利不止即以醋飯兩三口止之服後忌陳臭生冷酢滑飯食大蒜猪雞魚狗馬牛驢肉白酒房事七日外始得一日服二日補之得食新米韭骨汁作羹粥臠飲食三四頓

大良亦不得全飽產婦勿服吐利以後常須閉口少與於風處溫牀煖室將息若旅行卒暴無飲以小便送之為佳若一歲以下小兒有疾者令乳母服兩小豆亦以吐利為度近病及雜病皆用多積久疾病即少服常取微溘利為佳卒病死服三九如小豆大即吐利即瘥諸有痰停飲者亦得服中惡口噤服二九如小豆煖水一合灌口令下微利即瘥諸有痰飲者服三九如小豆五疰鬼利客忤服二九如小豆不差

後日更服三九男女邪客歌哭無時腹大如狂娠服  
如小豆日三夜一間食服之大痢服一九如小豆日  
三貓鬼病服三九如小豆未瘥更服蠱毒吐血腹痛  
如刺服二九如小豆不瘥更服瘧病未發前服一九  
如小豆不瘥後日更服冷痺服三九如小豆日三間  
食服之常令微溏利宿食不消服二九如小豆取利  
瘕瘕積聚服二九如小豆日三皆間食服之以利瘥  
止拘急心腹脹滿心痛服三九如小豆不瘥更服上

氣吐逆胸滿不得卧服二九如小豆不瘥更服疔濕  
以一九如杏仁大和酢二合灌下部亦服二九如小  
豆鼻衄服二九如小豆即瘥水病服三九如小豆日  
二皆間食服之瘥止人弱隔日服之頭痛惡寒服二  
九如小豆覆取汁傷寒時行服二九如小豆日三間  
食服之小便不通服二九如小豆不瘥明日更服大  
便不通服二九如小豆又納一九下部中一九即通  
耳聾停耳以線裹一九如小棗核大塞瘥腫丁腫破

內一九如麻子大日一傳其根自出瘡犯丁腫血出以猪脂和傳入孔內孔內瘡止胸背腰脇腫以酢和傳腫上一日一易又服二九如小豆癩瘡先以酢泔水洗後取藥和猪脂傳之癩瘡有孔以一九如小豆納孔中兼和猪脂傳之痔瘡取藥塗線筋上納孔中日別易瘡止癩癧以酢和傳上瘡惡刺以一九納瘡孔中即瘡諸冷瘡積年不瘡者以酢和塗瘡上作餅子貼之瘡癰瘡先以布揩令汁出後取和傳上一日一易

立瘡蝎螫以少許傳螫處蜂螫少許傳螫處蠟蛇螫取少許納螫處若毒入腹心悶欲絕者服三九如小豆大婦人諸疾胞衣不下服二九如小豆取吐利即出小兒客忤服二九如米粒和乳汁傳乳頭令啣之小兒驚癇服二九如米粒塗乳頭令啣之隨兒大小量與小兒乳不消心腹脹滿服二九如米粒塗乳頭令啣之不瘡便服一方無黃芩桑白皮桔梗防風

大理氣丸

出千金方治萬病

牛膝 甘草 人葎 茯苓 遠志 恒山 苦

參 丹參 沙參 龍膽 龍骨 牡蒙 半夏

杏仁 紫苑 芍藥 天雄 附子 菖根

橘皮 巴豆 狼牙 各一兩 大黃 牡礪 白木 各三

兩 生薑 末五兩 白薇 六分 元參 七分 藿蘆 大者一枚

右先搗篩二十七味令熟次搗巴豆杏仁如膏和使  
相得加蜜後更搗五千餘杵丸如梧桐子大空腹酒  
服七九日三疝瘕結五十日服未瘥當用理氣大覺

有效

神枕法 出御藥方

昔泰山下有老翁者失其名字漢武東巡見老翁鋤  
於道背有白光高數尺帝怪而問之有道術石翁對  
曰臣昔年八十五時衰老睡死頭白齒落有道士者  
教臣服棗飲水絕穀并作神枕法中有三十二物以  
二十四物當二十四氣其八毒當以應八風臣行轉  
少黑髮更生墮齒復出日行三百里臣今年一百八

十矣不能棄世入山顧懋子孫復還食穀又已二十餘年猶得神枕之力往不復老武帝視老翁頽狀如五十許人驗問其隣人皆云信然帝乃從受其方作枕而不能隨其絕穀飲水也方用五月五日七月七日取山林栢為枕長一尺二寸高四寸空中容穀一斗二升以拍心赤者為蓋厚二分蓋致之令密又當使可開閉也又鑽蓋上為二行行四十九孔凡一百二十孔令含粟米并其用藥

芎藭 當歸 白芷 辛夷 杜衡 白朮 藁  
本 木蘭 蜀椒 桂心 乾薑 防風 人參

桔梗 白薇 荆實 從容 飛廉 柏實

薏苡仁 疑花 白術 秦椒 麋蕪 以上二十

善者二十四氣 烏頭 附子 藜蘆 皂莢 莽

後八味應八風 草 礬石 半夏 細辛

右各一兩皆咬咀以毒藥上安之滿枕百日面有光澤一年體中所疾及有風疾一一皆愈而身盡香四

年白髮變黑齒落重生耳目聰明神方効秘不傳非  
其人也藿本是芎藭母也武帝以問東方朔答云昔  
女廉以此方傳王青玉青以傳廣成子廣成子傳黃  
帝近者谷城道士淳于公枕耳百餘歲而頭髮不白  
夫病之來皆從陽脉起今枕藥枕風邪不得侵矣又  
雖布囊衣枕猶當復圍囊重包之須欲卧枕時乃脫  
去之耳詔賜老翁匹帛老翁不受曰臣之於君猶子  
於父也子之道以上之於父義不受賞又臣非賣道

者以陛下好善故進此耳帝止而更賜諸藥

吹鼻一提金 治一切雜證大有奇功便於出軍

甘草 川芎 天麻 芍藥 薄荷 荊芥 人

參 乳香 沒藥 白芷 青黛 滑石 桔梗

甘松 藜蘆 鬱金 甘菊 藁本 茯苓

細辛 防風 元胡索 豬牙細皂莢

右等分為細末每服一分吹鼻中喘蒸時須令患人  
口澹水不致藥入喉嚨

寒水石散 治脚氣毒遍內外煩熱不解口中生瘡狂

走毒厲及解中諸熱藥毒邪熱卒黃等解蠱毒鬼魅野

道熱毒又治小兒驚癇熱病

寒水石 石膏 磁石 滑石 已上四味各三斤 搗為細末用水一

石煮至四升四斗去滓入後藥 元參 一斤洗焙剉 羚羊角 五兩升麻五兩

香木香 兩半甘草八兩乙上六味搗為末入藥汁中再煮取一斗五升去滓入下

項二朴硝 精者二斤已上一味入前藥汁中微火煎不住手將柳木

篋攪侯有七八升許投在木盆中半日久欲凝侯却入下二味 硃砂 二兩研麝香當

閃子 一兩二錢重乳細已上二味入前藥汁中拌勻調令全

右為末同研令勻每服一錢或二錢冷水調下大人

小兒仔細加減食後服

仙人練絳雪 治一切病肺氣積聚咳逆嘔吐膿血丹

石毒發天行時氣熱病諸黃疸等心風昏亂心怯健忘

四肢煩熱頭痛眼赤大小便不通煩悶不安骨節疼痛

赤白痢血熱毒痢宿食不消心腹脹滿氣不得下並諸

藥毒脚氣等飲酒多醉困久痢不瘥小兒驚癇等和

水服之產後一切諸病墮胎和酒服之

朴硝斤十升麻兩三大青 桑白皮 槐花各二犀角

肩斤十羚羊角兩一兩蘘方木六兩竹葉兩訶黎勒 山梔

子三十枚檳榔人二十顆硃砂半兩碎

右以水二斗漬一宿煎取一斗去滓入鍋內朴硝鍊

烱攪勿住手俟欲凝出於盆中攪入硃砂並麝香少

許訖雪成收於坩器中密封有疾量取和水服之神

効老小量之

効方 療痘時疫諸毒氣毒惡核金瘡等百病

當歸 天雄 烏頭各三兩細辛 芎藭 硃砂各二

兩 乾薑 附子 雄黃 桂心 白芷 松脂各

兩 生地黃三斤搗絞取汁

右別搗雄黃硃砂為末餘咬咀以醖苦酒二升五合

地黃漬藥一宿取豬脂八斤微火煎十五沸白芷黃

為度絞去滓入雄黃硃砂末攪令調和密器貯之腹

內病皆對火摩病上日兩三度從十日乃至二十日

取病出差四肢肥肉風瘡亦可溫酒服杏仁一大枚  
太傅白膏 治百病傷寒咽喉不利頭項強痛腰脊并  
兩脚疼有風痺濕腫難以屈伸不能行步若頭風頭眩  
鼻塞有附息肉生瘡身體癩疹風搔鼠漏瘰癧諸疔惡  
瘡牛領馬鞍腫瘡及久塞堅結在心腹胸痺煩滿不得  
眠飲食咳逆上氣往來寒熱婦人產後餘疾耳目鼻口  
諸疾主之亦曰太乙神膏

蜀椒升升麻三兩附子 巴豆 芎藭 杏仁五箇狸

骨

細辛兩白芷半兩甘草三兩白木六兩當歸三兩

右咬咀苦酒淹漬一宿以猪肉四斤微火煎之劑附  
子一枚以繩繫著膏中俟色黃膏成去滓傷寒心腹  
積聚諸風腫疾頸項腰脊強褊枯不仁皆靡之日一  
瘰腫惡瘡鼠癩癩癧癧灸手摩之耳聾如大豆灌之目  
痛淚出縹白翳如珠當腫子視無所見取如糝米傳  
白上令其人自以手掩之須臾即愈以水洗視如平  
復且勿當風三十日後乃可行鼻中痛取如大豆許

納鼻中並以摩之齧齒痛如線裏如大豆納痛齒上  
咋之中風面目鼻口喎僻以摩之若晨夜行辟霜露  
眉睫落數數以鐵漿水用膏摩之

粉霜丸 此藥秘傳仙方凡治一切病證

丁香 木香 粉霜 五靈脂 硃砂各二

乳香 麝香 信濕紙裏煨俟煙盡已上各一錢肉豆蔻 已

豆去壳濕紙裏煨香各二兩

右為細末醋糊為丸如黍米大每服二丸隨湯引下

若心脾疼石菖蒲湯下氣刺撮痛陳皮湯下腹脹滿  
悶蘿蔔湯下咳逆滿悶柿蒂湯下小腸氣疼水冷鹽  
湯下隔氣翻胃丁香湯下小兒羸瘦霍香湯下脾寒  
瘧疾草果湯下顛邪失志柳桃湯下小便頻併茴香  
湯下濕腫水腫氣猪苓湯下血痢槐花甘草湯下五  
般淋瀝燈心湯下盜汗出龍膽草湯下酒積肚腹痛  
温酒下赤白痢煎陳皮湯下中暑熱者沙糖水下水  
瀉不調生薑湯下山嵐瘴氣不伏水土温酒下婦人

赤白帶下艾朮湯下

阿魏藥煎 治百病

阿魏四分豈蔻仁七顆

細研生薑十二分

人參

甘草

炙各八分

鱉甲十二分

藕汁

地黃汁各二分

訶黎勒

七枚

牛膝

半斤白蜜升

右為末地黃等汁煎吹下藥微火煎攪勿住候如錫於不津器盛每服取一匙酒和服之

萬病無憂散 治風疾瘡腫疥癬或臟腑積冷壅滯氣

結風勞勝胱宿冷臟腑虛衰面色痿黃內有癥瘕氣并常有疝蟲虻蟲攻心腹俱痛中傷寒頭痛難忍狀若山嵐時氣瘟疫之疾並宜急服此藥宣通三五行立瘥或中風口喎語多寒澁睡後口中涎出不限時節不問男子婦人但五日一服不過三服永瘥久患腰膝疼痛脚氣腫滿運動艱難飲食無味並小兒疝痢脫肛者量大人與服一二五行自瘥大人久泄痢狀若休息痢止有時但一服取下冷膿血一二升當日見效藥無四時冷

熱老幼弱衰病患悉皆除之任服他藥無効此蓋緣搜出臟腑中積滯蟲膿故也無子婦人久患血虛氣弱痿黃無力者亦可依方服宣通氣血自不困倦此藥凡有百病並治之其功不可具載婦人或孕陰晦時節不可服天道晴明可進若雖復疾而未愈者再服妙

黃耆 木通 桑白皮 陳皮各一兩 白朮

木香各半兩 白牽牛炒四兩

取頭末

右七味為細末每服二錢牽牛末二錢生薑二錢切

片煎薑湯一大盞調藥須臾又用生薑湯或溫湯送下平明可行快利三五次無妨如病息後以白粥補之痊矣一方用黑牽牛微炒為末另作一處臨時量虛實加減依前藥服如氣體稍強多著牽牛末著七味藥弱者反此經驗方云利路耿運管望之二年前得肺疾甚異晝則右鼻濁涕終日夜則清涕如水不止良以為苦醫者祇用治肺藥以辛夷為主幾年雖少損終不盡去後年餘客親戚王發運家又苦腫唇

高於鼻飲食不容進齒亦盡腫家有一藥用些黑牽  
 牛晚服畢瀉一兩行甚腫即退初甚疑之恐牽牛之  
 為害也腫既甚不得已進一服連瀉兩行不移時腫  
 盡消所苦涕即止一藥而攻二病異哉異哉  
 妙香丸 治一切久遠沈積傷寒結胸太陽厥証燥鬱  
 攻不閉者皆可服亦曰太聖丸

巴豆 去皮不 膩粉 硃砂 水銀 各一錢  
去油

子龍腦 麝香 牛黃 各火  
許

右為末煉蜜和丸如皂子大藥時急要動一九分作  
 二丸搏作小豆子大冷水投煎大黃湯下復燃茶一  
 椀熱便利一方用蠟丸無硃砂加金

枸杞酒 治五內邪氣消渴風濕下腦脇氣頭痛堅筋  
 骨強陰利大小便填骨髓長肌肉破除結氣五勞七傷  
 去胃中宿食利耳目中衄血吐血風痲補中逐水破積  
 痰膿血石淋長髮傷寒寒瘡癘毒氣燥煩滿悶虛勞喘  
 吸逐熱破血脚氣腫痺患主之

糯米

一石黍菌計常醱酒米一石用麴一斗此藥米亦得麥加五升彌加米用之惟上好者

枸杞根

二十赤皮半寸剉之以水一石生地黄二十斤去洗土細瀆經宿刮皮三日煮取汁五斗

切和米炊之

秋麻子

三斗熬蒸成細粉蒸氣出以枸杞湯淋取汁二斗

豉

二斗以枸杞湯煮取汁

右四味和米蒸之三物藥汁總合得五斗地黃四斗

分半清米分半及麴和釀飯如人煩即總和一處密

蓋甕口經二七日壓取泥封復經七月初一度一釀

用麻子二斗多恐令人頭痛服酒忌生冷酢滑雞魚

麵蒜油膩白酒房事等服訖一二七日將息病盡久

服即火忌之

奪命散

治男子婦人心中積熱停痰腸垢諸毒變成

百病酒麴食積瘕癖氣塊小腸疝諸般隔氣反胃吐食

胸膈痞悶脇肋疼痛嘔吐痰逆頭目昏重偏正頭風或

驚怖口苦舌乾噎氣心腹脹如鼓大便不通小便赤澁

飲食過多不生肌肉心中煩躁面色痿黃肌體羸瘦困

倦火力夜多盜汗脾胃不和瀉痢膿血久而成血癖血

瘕並皆治之每服三錢用好無灰酒一大盞少飲晚食  
臨卧服之仰睡一二更待藥微利三兩行此藥不損真  
氣如婦人室女血脉不行加木香沈香枳殼煎當歸湯  
調服小腸氣用乾漆麥蘖木通炒茴香却去木通乾漆  
二味仍量病虛實用

錦丈大黃

四兩去皮  
炒存性

麥蘖

一兩  
半炒

茴香

瞿麥

地匾蒿

各二  
錢半

右為細末每服虛實加減錢數隨證

僊人玉壺丸

出千  
金方

雄黃

藜蘆

丹砂

礬石

巴豆

以上各  
二兩八角

附子

等  
分

右先搗巴豆三千杵次納礬石又搗三千杵次納藜  
蘆三千杵次納附子三千杵次用雄黃三千杵次納  
丹砂三千杵密封又搗萬杵佳若不開用者丹砂納  
真硃四兩每納藥輒治五百杵內少蜜恐藥飛揚治  
藥用王相吉日良時童子齋戒為良天晴明日無雲

霧白晝藥成封審器中勿泄氣著清潔處大人服丸如小豆欲下病者宿勿食平旦服二丸不知者以煖粥飲發之令下下不止飲冷水以止之病在膈上吐膈下利或但噫氣即已若欲漸除反將服消病者服如麻豆大二丸卒中惡欲死不知人以酒若二湯和二丸日再男女與鬼交通歌笑或哭無常或腹大絕經狀如妊娠漿水服二丸如胡豆大日三夜一又若酒和令如糝每旦傅手間使心心主在手腕後第

一約橫紋中指至暮又傅足三陰三陽及鼻孔七愈又將服麻子大一丸日三服止惡風逆心不得氣息服一丸腹中如有蟲欲鑽脇出狀急痛一止一作是惡風服二丸憂恚氣結在胸心苦連噫及咳胸中刺痛服如麻子大三丸日三服痛脹滿不食服一丸心痛切痛及心中熱服一丸如麻子大日三服五日瘥風疝寒疝心疝弦疝每發腹中疾痛服二丸卒上氣氣但出不入並逆氣衝喉胃中暴積聚者服二丸日

再僻隱疾平旦服一九腹中三蠱宿勿食平旦炙牛  
羊肉三噲食須臾進三九如胡豆大日中當下過日  
中不下更二九爛蟲必下卒關格不得大小便欲死  
服二九卒霍亂心腹痛腹滿吐下手足逆冷服二九  
傷寒嗽瀉時氣熱病溫酒服一九厚覆取汗不汗更  
服寒熱往來服一九瘧未發一九已發二九便斷積  
寒熱老痞服二九日三癥結堅痞一九日三取愈下  
利重下者一九取斷食肉不消腹堅脹一九立愈若

淋瀝瘦瘠百節酸疼服一九日三頭卒瘋腫苦酒若  
膏和傳之線裏癩疽瘰癧癰及欲作癩以苦酒和  
敷之若瘡不可名癰疥疽以膏若苦酒和先以鹽湯  
洗瘡去痂拭乾敷之蠱痛綿裹塞孔中鼠瘻以豬脂  
和傳瘡起駁舌狗子舐之中水毒服二九若已有瘡  
苦酒和三九傳之耳聾膿血汁出及卒聾以赤谷皮  
裹二九納之風目赤或痒視物膜膜淚出爛皆蜜解  
如耖塗注目佳若為蠱毒所中吐血腹內如刺服一

丸如麻子稍加如胡豆大亦以塗鼻孔中又以膏和  
通腹背上亦可燒之燻口及鼻若為蛇蝮諸毒所中  
及獠犬狂馬所咋苦酒和傳又水服二丸婦人產後  
餘疾及月不通往來不時服二丸日再婦人胸中苦  
滯氣氣息不利小腹堅急繞臍絞痛漿服如麻子一  
丸稍加之如小豆大小兒百病驚癇痞塞及有熱百  
日半歲者以一丸如黍米大置乳頭飲之一歲以上  
如麻子一丸和服右件細末大鉢中衣件兩日極令

勻合糯米粉二兩添水煮胡阿膠膏和藥搗二千餘  
杵丸如雞頭大焙令十分乾甕瓶收置煖處但此方  
修合雖好然亦遲滯不若修劉生料衆藥同片生薑  
半斤或七兩甘草三兩於磁瓶內用水一斗五升上  
下文武火煮水乾為度仍除乾松白茅檀香縮砂仁  
霍香葉勿煮各項焙搗為末庶香氣全所有煮者衆  
藥亦作一處焙搗為末末就了却令研腦麝同香松  
茅數件大鉢內衣三二日令藥味和合方搗為丸煮

藥下水之訣以水高衆藥一寸餘許文武火煑若火土藥無味却酌量伺候風為萬病之根源蓋五臟所受不同而引起疾證有異善衛生者日三飲送下小兒大腹及中惡熱毒食物不化結成積聚服二九小兒寒熱頭痛身熱及吐瀉服一九如麻子大小兒羸瘦丁奚不能食食不化漿水服二九日三又苦酒和如桐子大傳上良一切萬病量之不過一二九莫不立愈欲行問孝省服一九又一九擊頸上行無所畏

至喪家帶一九辟百鬼若獨自宿山澤塚墓社廟叢林之中燒一九百鬼不敢近仍以蠟和一九如彈子大著絳囊中繫背上男左女右山精鬼魅皆畏之

硃砂鶴頂丹 治諸疾

半夏火炮製 杏仁去皮尖 山豆去皮油各四十九 宿蒸餅四兩去皮

乾胭脂二錢為衣

右同搗為泥滴酥為丸小豆大每服十九加至十五丸此藥治二十一等病證心腹膨脹陳皮湯或米湯

下傷寒陳皮湯下白痢乾薑湯下赤痢甘草湯下血  
痢當歸湯下大小便不通磨刀水下心氣疼蒼蒲根  
湯下心疼痛醋湯下冷病艾湯下勞氣米湯下小腸  
氣茴香湯下腎臟風木瓜湯下腸風痔漏瀉痢槐花  
湯下吐血丁香湯下陰毒傷寒葱白湯下瘧疾桃心  
湯下噎食木香湯下小兒奶痺皂莢子湯下小兒驚  
風薄荷湯下小兒五疳八痢米湯下五咳人參馬兜  
苓湯下一名鶴頂丹有硃砂三錢為衣湯酒食物  
隨下臍腹疼痛鹽湯下腰疼脚氣牽牛湯下水瀉  
車前子湯下婦人月水不調紅花芍藥湯下

普濟方卷二百五十五

欽定四庫全書

普濟方卷二百五十六

明 周王朱橚撰

雜治門

雜病

誠齋先生如神丸

檳榔

枳殼

炒 阜莢

大黃

生 熟 牽牛 生 熟

右各等分為末滴水為丸如梧桐子每服十五丸病

甚者一百九量虛實老幼服之孕婦不可服○頭痛  
腦疼川芎薄荷湯下○耳鳴腮腫荊芥煎湯下○牙  
齒疼痛細辛煎湯下○咽喉腫痛桔梗甘草煎湯下  
遍身癢疹搔痒丹毒赤瘤升麻湯下○心滿悶疼痛  
痰結枳實半夏湯下○兩脇肋疼痛牽引背痛牡丹  
皮湯下○癥癖積聚疔氣塊蓬朮甘草湯下○赤白  
痢裏急裏重小腹疼痛甘草湯下一百九如裏急後  
重五十九○腸風痔漏肛門疼痛皂角子煎湯下○

膀胱疝氣陰囊腫硬或數便茴香湯下○腰脚膝疼  
牛膝湯下○頭面手足浮腫脹滿桑白皮湯下○上  
氣喘急日夜不得卧甜葶藶湯下○胎死腹中包衣  
不下桂心麝香酒下○打撲傷瘀血在腹內脹疼紅  
花當歸湯下○宿食不消嘔吐噎氣丁香湯下○麪  
毒酒毒乾薑湯下○大人小兒諸般虫積疼先食燒  
肉數塊次用苦楝根煎湯下○婦人月水不通腹肚  
疼痛赤芍藥湯下

奪命丹

沒藥 半兩 別研 血竭 二錢 別研 巴豆 去皮不 去油

右將前味別研入巴豆搗成丸如梧桐子大每服一丸。急心痛木香湯下。氣食積陳皮湯下。婦人月不行紅花酒下。婦人血痕當歸酒下。丁瘡橘菊水下涼水亦得。癰疽腫毒連翹湯下。便毒瓜萋湯下。打搏傷損酒下。

青金丹 治一切病

川烏頭 炮 草烏頭 炮 巴豆 去皮 油 乾薑 炮

右等分為末酢糊丸如桐子大青黛為衣每服二丸。疔瘡黃連湯下。一切膈氣木瓜湯下。口吐酸水生薑湯下。諸風氣防風湯下疥癬薑湯下。胸膈內痛杏仁湯下。一切淋瞿麥湯下。大小便血大黃湯下。陽毒傷寒麻黃湯下。陰毒傷寒蔥白湯下。夜多小便吳茱萸湯下。心熱脹金銀花湯下。肺氣喘息紫蘇湯下。胃氣不和鹽湯下。溺

血塊豉湯下。舌上瘡柳枝湯下。腸風發五靈脂

湯下。宿食不消米湯下。咽喉痛薄荷湯下。瘡

疾桃心湯下。昏目夜明砂湯下。暑氣井華水下

○眼疾米泔水下

治癡

白木棉花 紅木棉花 麝香少許 端午日馬齒菜

右為末水調服之

崔中丞煉鹽黑丸方

食鹽

一升搗末納粗磁瓶中實藥泥頭托初以塘火燒漸漸加炭火勿令瓶破候微鹽如水汁

即去其火鹽冷即凝破瓶取

豉一升炒焦

桃仁一兩和麩炒令熟

巴豆二兩去心

膜用紙令出油盡

右須生熟得所恐過熟則力少生則損人其藥物製

畢各自研搗成熟藥秤量蜜和丸如梧桐子大每服

三丸皆平旦時服。天行時氣豉汁及茶下並須服

後多喫茶汁行藥力。心痛酒下入口便止。血痢

米飲下初變水痢後便止。鬼瘡茶飲下。骨蒸白

蜜湯調下忌冷漿水合藥久則丸稍加大凡服藥後吐痢勿怪服藥一日忌口兩日吐痢若多則煎黃連汁服止之平旦服藥至小食時已來不吐痢者或遇殺藥人即更服一兩丸投之其藥冬中合臘月尤佳磁盒中盛貯以蠟紙封之勿令泄氣清和崔能云合一劑可救百人天行時氣卒急諸藥不得又恐過時在道塗或在村落無藥可將此藥一刀圭即敵大黃朴硝數兩曾試有效宜行於閭里間若小兒女子輩

不可多服被攪百唐方又有藥鹽法出於張文仲唐之士大夫多作之

麥門冬湯

出板  
葶方

治勞後起病人氣欲絕者用之有效

麥門冬

一兩

甘草

二兩

粳米

半合

右將門冬去心為細末水二盞煎粳米令熟去米約湯一小盞半入藥五錢棗三枚去核新竹葉十五片同煎至一盞去滓大溫服不能服者用綿滴口中候漸治小兒不能灌注者宜用此綿滴法此方不用石

膏以其三焦無大熱也兼治欲死之人陽氣將絕者故不用石膏若加人參大妙

魚膽丸 治一切病不問年深日近並皆治之却是小兒驚藥方為既吉若患眼日久不差誤以小兒驚風藥點在內頓然閃開漸覺光明以此傳眼藥

鷄爪黃

四兩  
去毛

龍膽草

二兩  
苦參一兩  
半

右水四碗浸一夕當歸一兩洗各入鍋內慢火熬至半碗約濃却濾去滓再入銀器內熬濃就火上入礪

砂各少許用好真者

神仙追毒丹

大黃

芒砂

牛蒡

各一兩半

右為細末煉蜜為丸如彈子大用硃砂血竭為衣童子小便溫酒下

秘方元明粉

出本  
草

夫元明妙也元之又元不可言也如

何此藥不名丸散却言其粉能為人助顏色駐容光隨物性粉乃白也水之性也能方能圓能曲能高能

下此藥上善若水也用火煉乃水火既濟也陰陽混  
 合也為一號曰元明也昔唐玄宗問近臣如何得壽  
 近臣曰聞華山有一真人姓趙當求其方於是玄宗  
 遣使命宣真人至問真人壽命幾何曰三百六十矣  
 又問真人曰有何法術答曰常服元明粉得其長命  
 更治百病玄宗又問終南山劉真人壽多少答曰三  
 百餘矣又曰何至於此答曰只服元明粉得長生又  
 且治百病益精氣不問男女俱可服之孕婦服之安

胎定子產婦服之益氣自安令人悅澤開胃磨脾久  
 服身輕體健延年明目其功不可具述如要煨煉成  
 藥用朴硝依法製度

朴硝

五斤用沸湯泡成水定于錫釜內將文武  
 火熬成膏子再將竹筒如火筒大劈開兩邊

內將麻皮纏了將錫內或膏藥來堅收于竹筒內  
 安定房內地上淨處二三日出火毒取出竹筒用  
 白炭煨煉一飯時取出藥白黃色擺于地上出火  
 毒如藥白色上等也黃色中等也黑色傷人終不  
 可服每瓶出一斤重加甘草細末二兩於食後服  
 二三錢任意加減至七日微痢取出黃黑物來此  
 是投病根也又云每日空心服二錢用人參湯下  
 常出黑糞甘草或薄荷湯下或如膿狀不痛不倦

服至半月漸覺顏色非  
常快飲食百病皆除

右各用引治之法○中毒米湯下茶湯亦得春三月  
 黃芪湯下夏三月附子湯下秋三月赤箭湯下冬三  
 月茯苓湯下○骨蒸赤箭子湯下○一切氣腫木香  
 豆蔻湯下○飲食過度神麴湯下○中生物酒下○  
 胸膈清茶下○天行時病黃芪湯下○熱病砂糖水  
 下○勞病黃芪湯下○白痢茱萸湯下薑湯亦得○  
 赤痢甘草湯下○虛熱米飲下○腰背疼地黃湯下

婦人死胎不出葵菜湯下○瘡癖病續斷湯下○氣  
 塊粉草湯下○三十六種風荆芥湯下○牙痛薑湯  
 下○心痛棗子湯下艾酢湯亦可○四時傷寒麻黃  
 湯下○口瘡赤眼臟燥梔子湯下○除手足風熱酒  
 下○吐血生麩水下○腹肚痛醋湯下○產後血氣  
 衝心疼當歸芍藥湯下○癰腫諸瘡癰黃芪湯下○  
 二十四種冷病白湯下○咳嗽唾痰黃芪湯下○瘡  
 疾桃頭湯下採東南者七箇○陰毒傷寒附子湯下

陽毒傷寒蔥白湯下。○頭旋荆芥湯下。○無辜瘡吐  
逆甘草湯下。○嘔吐不止木瓜湯下。○筋轉霍亂木  
瓜湯下。○腹中滿悶薑湯下。○兩脇脹痛酒調下。○  
下元虛冷五靈脂湯下。○小腸氣疼苦楝子湯下。○  
腎餘氣桃仁湯下。○大小便不通蔥白湯下。○腸風  
瀉血蒲黃湯下。○白帶乾薑湯下。○赤帶甘草湯下  
紅豆湯下亦得。○五疳八痢米飲湯下。○五般膈氣  
陳米湯下。○腸風漏血槐花湯下。○五癆柴胡湯下

酒毒酒下。○五臟反熱杏仁湯下。○邪氣入腹硃砂  
湯下。○瘡蜜水下。○食勞蠱氣麩湯下。○骨髓風痛  
防風湯下。○風狂麩湯下。○耳聾鵝管石膏湯下  
耳內蟬鳴茱萸湯下。○赤眼疼黃連湯下。○醫膜秦  
皮湯下。○羞明怕日木賊湯下。○喉痺磨刀水下。○  
鬼吹氣麝香湯下。○鬼魅神砂湯下。○邪氣衝心頭  
髮燒灰湯下。○驚產龍膽草湯下。○脈息不定白豆  
蔻湯下。○婦人血氣疼當歸湯下。○脫肛龍骨湯

下。經脈不行地黃湯下。小兒癰塊丁香湯下。小兒夜啼桃仁湯下。喉風飛翬湯下。盜汗不止木瓜湯下。麻黃根亦可。小兒驚風薄荷湯下。惡瘡入腹白芨湯下。小兒吐瀉蔥白湯下。小兒腹脹木香湯下。小兒五疳黃瘦不思飲食乳汁不多遍身風疹防風湯下。傷積桔梗湯下。骨風川牛膝湯下。木瓜湯亦可。諸癩病硃砂藿香湯下。中風胡桃湯下。荊芥湯防風湯亦可。丁瘡蜜水下。

婦人死胎蘆蒿子湯下。上盛下虛熱酒下。膀胱疝氣茴香湯下。兩脇氣攻木香湯下。肺氣桃仁湯下。宿食不下白湯下。上焦熱燥薄荷湯下。腿脚轉筋并華水下。水瀉黃芪湯下。痰壅烏梅湯下。

清神湯

胡椒二兩 川芎半兩 甘草一兩

右為細末每服一匙用白沸湯調下

桂蘅湯 主吐百病

桂蘅 松蘿 各三 瓜子 三七

右咬咀以酒一升一合漬一宿去滓分二服若一服即吐止未吐者更服相去如行十里久令藥力盡服一升稀糜即定老小用之亦佳

治趺方 出神效方

以水調白麴稀稠得所糊趺上以紙封之明日便乾如不曾破者則去麴便行

治人嗜臥喜睡 出肘後方

用父鼠目一枚燒作屑魚樣和注目皆得不眠兼取兩目以紗作袋盛帶之

治汗不溜瘦却腰脚痛并耳聾 出本草

以米醋浸荆三稜三四日冬浸六日杵為末醋調下

三錢

治好食生茶

用椒末不拘多少以水糊丸如桐子大茶下十九不

拘時

治雜病方

用枸杞子最肥者一升搗破內絹袋置罈中酒一斗浸乾密封勿泄氣三七日每旦飲任性勿醉

治朝暮連夜不得眠

出本草

以新布火灸以熨其目并蒸大豆便用囊盛枕之枕冷後更易熟者終夜常枕熟豆即愈

療人嗜眠喜睡

出肘後方

以馬頭骨燒作灰末方寸匙日三夜一溫茶湯調服

又方

出肘後方

以麻黃木香各五分甘草三分日中南搗末一方寸匙日三溫茶調服

治人適他方不服水土與病有異

用故鞋底下土刮取末和水服之

療諸病方 藥子一物婆羅門胡名般疎樹子國人名藥子用藥療病惟須細研勿令麤皆取其中人去皮

用之今以藥子中人二枚若卒得吐瀉霍亂盡毒臍  
下絞痛赤痢心腹脹滿宿食不消蛇螫毒入腹被毒  
箭入腹以暖水二合研碎服之如疽瘡附骨疽腫丁  
瘡癰腫者量瘡大小以暖水碎和豬膽封上癰腫冷  
遊腫癰瘡用醋研封惡蛇毛蝎蜈蚣等沙風射工用  
暖水研赤莧和藥封之婦人產後腹中絞痛及惡露  
不下痛中淤血不散杯酒研藥溫服之帶疾暴下以  
粟汁研藥溫服之齧虫食齒細削納孔中立愈其搗

末篩著瘡上甚生肌此出本草方

治野鷄病

用枳壳根皮為末每服方寸匙米湯調下

治脫陽證 或因吐血大泄之後四肢逆冷元氣不接  
不省人事或傷寒新瘥誤與婦人交其證小腹緊痛  
外腎搐縮面黑氣喘冷汗出亦是脫陽證須臾不救  
可危先用蔥白數莖炒令熱熨臍下用後藥

附子

一枚五錢許  
剉作八片

白朮

乾薑

各半

木香

一分

此藥不可限感證不同煨湯使服之。○一切風疾炒烏豆淬酒下。○卒中僵倒或醉酒不醒生薑湯研三五粒灌下。○小兒驚風天癘五種痼疾入京膩粉少許煎金銀花湯薄荷茶下。○沈寒痼冷生薑湯下。○一切氣疾茴香湯下。○頭風昏暗荊芥湯下。○咳嗽痰涎半夏湯下。○肺氣攻衝杏仁湯下。○瘡疾烏梅湯下。○水瀉乾薑湯下。○痢疾甘草湯下。○脚疾濕氣木瓜湯下。○酒傷食積陳皮湯下。○腸風胡桃湯

下。○傷寒蔥豉湯下。○時行疫氣山嵐瘴氣不服水土藜本湯下。○中毒甘草水研灌下。○牙痛夜卧含化。○牙宣噴衄中。○婦人血風血氣當歸酒下。○血臟虛冷赤白帶下血淋血暈燒棧櫚灰研細調酒下。○腰背疼痛渾身勞倦溫酒下。○常服食後茶下此藥本訣傳神聖功效不可盡述孕婦不可服

建中湯

出易簡方

治腹中切痛增損治療各有不同並見於後飲酒人不喜甘者不宜服之此藥與桂皮湯用藥

畧同不但加芍藥如官桂之數專治傷寒發熱自汗用桂皮湯以表之

桂枝

二芍藥

一遠志

半黃耆

兩

右各研細用水二碗煎至八分去滓放冷灌服須臾又進一服合滓併服如無前藥用桂皮二兩用好酒二升煎至升候溫分作二服灌之又無桂皮用蔥連須三七莖細剉沙盆內研細用酒五升煮二升分作三服灌之陽氣即回先用炒鹽熨臍下氣勿令冷又

無蔥白用生薑三七片亦好依前法

妙香丸

出和劑方

治丈夫婦人時疾傷寒解五毒治潮熱積

熱及小兒驚癇百病等疾並皆治之

辰砂

飛研

巴豆

三百一十五粒去皮心膜炒熟研如麩

龍腦

研

牛黃

研膩粉

研麝香

研各

金箔

九十片研

右各研勻煉黃蠟六兩入沙蜜三分同煉令勻為丸每兩作三十九解五毒治潮熱積熱等疾如治潮熱積熱傷寒結胸發黃狂走燥熱口乾面赤大小便秘

煎大黃炙甘草湯下一丸○毒利下血煎黃連湯調膩粉少許下○患酒毒荼毒氣毒風痰伏痞吐逆等並用膩粉龍腦米飲下○中毒吐血悶亂煩躁欲死者用人血下立愈○小兒百病驚癇急慢驚風潮搐搦用龍腦膩粉蜜湯下萊豆大二丸○諸疾食積熱煩赤煩躁睡臥不寧驚哭瀉痢並用金銀花湯薄荷湯下○以上更量歲數加減大人及婦人因病傷寒時疾陰陽氣交結伏毒氣胃中喘躁眼赤潮發

不定再經數七八日已下至半月日未安醫所不明脉息證候交亂者可服一丸或分作三丸亦可並用龍腦膩粉米飲調下半盞已愈凡下一切惡毒并藥丸瀉下如要却收水洗淨以油紙裏埋入地中五日取出可再與大人小兒依法服一丸救三人即不堪使如要藥速行即用針劄一眼子冷水浸少時服之即效

萬靈湯

舊名萬靈散

和養三焦調順陰陽升降痞滯祛遺寒

邪温中散濕暖和胃脾滋助氣血思美飲食虛寒痼  
冷痰辟動氣心膈疼痛噯悶嘔逆一切氣疾不日痊  
愈

前胡

去蘆頭

柴胡

去苗

秦艸

去苗

甘草

炙各半斤

懷香子

木香

去粗皮

桂

各一斤

檳榔

十枚

肉豆蔻

去壳半斤

芍藥

青橘皮

去白

芎藭

半斤

桔梗

四兩

甜葶藶

半斤

微炒

右搗篩每服三錢水一盞大棗二枚擘破同煎至七  
分去滓食前溫服

鐵刷湯

治胃氣不和心腹疼痛飲酒過度惡噦心脾

之 疼翻胃內感風冷腸鳴泄瀉婦人血氣刺痛並皆治

香附子

六兩

桔梗

一斤

甘草

一斤

肉桂

去粗皮

乾薑

茴香

各半斤

良薑

陳皮

各十兩

右除官桂外同炒為末每服一錢入鹽少許沸湯點

下常服快樂不拘時

經驗萬病無憂散

出醫學切問

治男子婦人遠年近日沈重

氣塊水腫血盡氣盡小腸膀胱偏墜奔豚氣腎臟脚  
氣十膈氣翻胃吐食心氣疼痛肺脹咳嗽吐血鼻衄  
腸風下血五淋腰疼三十六種風二十四般氣婦人  
赤白帶下癥瘕血塊並皆治之一服見效五更初井  
華水調下天明時取下其病自出惡物自下然後補  
之神效

檳榔 雷丸 管仲 大腹皮 各二兩  
尤 鶴虱 木香 甘草 大黃 粉霜 二錢  
各二錢 四兩 十兩 炒

牽牛 頭末一兩 半生者

右為細末每服五錢五更初鷄不叫人不知井華水  
調服天明取下病根忌生冷

華陀虎骨膏 出肘後方 療百病

虎骨 野葛 附子 椒 杏仁 巴豆  
各三兩 十五兩 重九兩 升

去心 芫蕪 甘草 細辛 雄黃 二兩  
各一升 各一兩

右各以苦酒漬周時豬油六斤微煎三上三下完附  
子一枚視黃為度絞去滓乃納雄黃攪使稠和蜜器

貯之百病皆瘳傳上惟不得入眼若服之可以棗大  
內一合熱酒中須臾後拔白髮以傳處即生烏髮諸  
瘡毒風腫及馬鞍瘡等疾洗即差牛領亦然

神仙太乙丹

出王氏  
普濟方

治諸疾醫所不及者

硃砂

一兩辰錦州者上  
不用夾砂石者

紫英石

一兩

鐵粉

一兩雄黃兩

砒霜

半兩用  
信州者

太陰元精

半兩

銀箔

二十片

端午日南行

豬糞

燒灰後  
秤一兩

金箔

二十片

麝香

一兩別研

右件一十味先將難研者研細後於端午日侵早更

各研細了即一處同研令極勻候午時用粽子尖

艾粽

子須於端  
午日採取

面向南搜轉為丸如鷄豆大凡遇大患時

每丸可瘳兩人小可疾病每丸可為三服

銀黃丹

船上硫黃

研令碎  
一兩

水銀

一兩

右先將未曾經使者銚子一箇坐於文武火上令暖  
水入水銀在內片時後入硫黃用柳木槌子研令鎔  
勻後拈銚子放冷取出細研却入前方藥同研令勻

和搜此藥本為龍虎太乙丹蓋用此二味故也傳多  
隱之此藥經久不壞其功益盛收時以金銀器或柏  
器內盛貯仍以硃砂同入合收之具湯使如後○凡  
草木蟲魚鳥蕈等毒並用溫酒和童子便磨下○一  
切藥毒鬼毒如前法下○金石毒炒鷄鳴糞淋酒磨  
下○瘟疫用炒生薑湯磨下狂走不識人者生薑蜜  
水磨下○麻豆瘡生薑蜜水磨下○陰陽二毒傷寒  
三日後煨葱酒磨下○五般瘡氣犀角末調酒磨下

○五般蠱毒炒烏鷄糞二合并竈心土三錢同用酒  
煎十沸去滓磨藥五更初服脚不得著地於牀上垂  
脚坐服之○鬼交狐魅丈夫心神迷惑婦人則情意  
狂亂或懷鬼孕用桃仁七箇去皮尖細研酒調下○  
丈夫婦人鬼瘡並用豬膽酒下○飛屍遁屍煎桃枝  
酒下○屍注鬼疰麝香酒下○藥箭前毒桑白皮酒下  
中虎毒沙蟲毒磨犀角黃連酒下○斃癩龜背磨犀  
角麝香酒下○蛇咬虎傷炒烏雞糞酒淋下○驢涎

馬汗馬血入肉悶絕欲死者水蛭末調酒下○心躁

氣擁煎金銀花酒下○心痛氣絕炒生薑鹽酒下○

大便不通煨蔥白酒下○小便不通煎道草湯下○

腫毒入肚磨犀角酒下○腳氣衝心豆淋酒下○銅

銀冶爐烟入腸火煨蔥酒下○婦人血暈煎當歸酒

下○丈夫婦人中急風炒烏鷄羹酒淋下如牙關閉

用半夏末搯牙并塗○心風用活地龍一條納於生

兩牙關則口開逆藥蔥管內同研令爛少酒投之取清者一盞下○頭風

煎枸杞酒磨下○喉閉壅塞薄荷酒磨下細細嚙之

○一百二十般風癘以黍粘子酒下要除根一丸分

作兩服空心臨卧各一服效○卒暴死牛馬糞清磨

下如未醒再用童子小便和酒下○傷折或至死者

當歸酒下○驚怖死者麝香酒下○魘魅欲死者新

汲水調竈土磨下更以吹鼻中不得叫喚有燈即不

得吹無燈即不得點上○中熱死口鼻血流用牛黃

酒下又以小便沃用熱灰擁心上冷則易之○溺水

死者放水出後以新汲水和半夏末二九安鼻內艾灰酒下○自縊死者緩緩解下不得割斷繩子酒和鷄冠血下仍用鷄冠血磨丹塗喉上次以四人將小筒子於兩耳鼻內齊吹如活後更服藥十日凡一切惡疾至死者但心頭暖尚可救下藥扶起令藥行即相次活矣此藥須皆空心面東服之疾甚者不過再服若急疾卒病且以酒和童子小便磨下然後依所患湯使服之或病深重須吐瀉者則服一九如吐瀉

過多則以菘豆末一錢水調服之立止忌熟食白牛肉猪肉一切臭穢物如孕婦人不可服之

聖驗黑神丸

出朱氏集驗方

成都府招覺府潛庵道人真本

防風

去蘆剉焙

川烏

剉焙

好墨

剉焙

子

去心

蘆香葉

去土

白茅

何首烏

剉用生薑汁同泡甘草二

錢浸之宿焙再浸焙各七錢

乾薑

白殭蠶

油炒

全蠍

薑汁浸

天南星

地製熟片切薑汁小半盞同炮甘草三錢剉浸二宿焙再焙薑汁盞為度

白附

子

地十分製熟以薑汁同泡甘草三錢浸二宿再焙

阿膠

水浸蒸糯米糊作丸各七錢半

細辛 去葉 剉焙 白芷 泡 焙 香附子 炒去毛 拍碎 以薑汁泡 同甘草三錢 沒二宿 焙

餘再 川芎 剉焙 各 七分 阜茨 燒烟 草 甘松 去土 剉焙 川者尤佳 半夏

湯洗十次 炒令熟 切片用生薑汁半盞 泡甘草三錢 浸二三宿 再焙半兩 草豆蔻 拍

去皮生薑汁浸 一日焙焦六錢 白朮 去膜皮 輕 麝香 別

研同藥 末滾 龍腦 同麝香 滾藥 末各一錢重 官桂 三 分 甘草 炮熟 剉焙 一兩七錢

芍藥 一兩 半

右吹咀每服四錢水一盞半生薑五片棗一箇煎六分去滓食前熱服大治婦人血疼男子氣痛心腹痛

甚者加遠志半兩積氣作痛者當於應感丸方求之

或吐或瀉狀如霍亂及胃涉寒濕賊風入腹拘急切

痛加附子三分名附子建中湯疝氣作楚再於附子

建中湯中煎時加蜜一觔名曰蜜附子湯更於參蘇

飲方中求之。又一方治男子婦人諸虛不足小腹

急痛脇肋填滿臍下虛滿胸中煩悶面色痿黃唇口

乾燥少力胸滿氣短腰背強痛骨肉酸疼行動喘急

不能飲食或因勞過度病後不復加黃耆一兩半名

黃耆建中湯○一方婦人血氣虛損四肢情怠及產後勞傷虛羸不足腹中疼痛吸吸少氣小腹虛急痛引腰背時自汗不思飲食加當歸一兩名當歸建中湯若產後半月每日三服令病人可壯若腹中尚有餘痛乃有敗血停留則不可服之宜用大聖散并加醋五積散之類

透羅丹

出王氏博濟方

治下虛積至妙

粉霜

二錢半別研

鉛白霜

一錢別研

輕粉

二錢留一牛已下為衣子

生龍腦

錢一

金箔

十片

水銀

約半分

伏谷信砒

半錢別研每瓶砒

半滾研入合內候乾用灰蓋煮火三斤撥飛火去皮二分住火放冷然後取出

右除水銀外一處研令勻用棗肉和為丸如鷄豆大

以筋筍眼子入水銀在內却丸合用留下粉中裹為

衣

棗肉不得肥水福不細恐難丸

治病如後○結胸傷寒四肢逆冷

心腹結硬熱燥悶亂時氣傷寒得汗後發狂言亂

道不認親疎甘草湯下二丸○產後血氣上攻及上

喘不止心腹脹滿因傷寒時疾汗後餘熱不退發狂

妄走不止用甘草湯下二丸○潮熱傷寒夜發晝止  
 有似瘧疾溫漿米水下二丸○風癇邪氣及心風婦  
 人血邪冷甘草湯下二丸產前要疎動不損胎氣去  
 却水銀溫漿水下二丸如不行再服○久患脾毒瀉  
 血及赤白痢晝夜五七十行每服一丸一日可兩服  
 溫漿水下

靈砂丹

出王氏博濟方

治衆疾

硃砂

半兩

大附子

一兩炮

青橘

一兩去白

麴蘆

一兩炮

杏仁

一兩去皮

火巴豆

春冬用一百箇秋夏五十箇以水五升慢煮三十沸

右先將巴豆以水五升煮令油出水盡為度細研以

衆藥末和勻以粳米飯和為丸如豌豆大具治療如

左○常服消酒食以酒下或溫湯下○血痢生薑湯

下○痔漏腸風胡荽湯下○大風痰梳子湯下○心

痛熱酒下○疎利滯氣陳皮湯下○瘡疾醋湯下○

肺病及一切勞疾桃柳皮各一握煎湯下○腰痛膝

疼酒下○火瀉新汲水下○小兒癩風桃柳枝一握

煎湯下。○大小便秘燈心湯下。○腰脚風蔥薑湯下。  
霍亂木瓜湯下。○血氣當歸酒下。○發汗麻黃湯下。  
腰疾生薑湯下。○懷胎氣衝心酒下。○一切風防風  
湯下。○陰毒傷寒熱酒下。○吐瀉黃連湯下。○虫咬  
心冷水下。○宿食不消白湯下。○頭痛不止白湯下。  
脾氣膨脹茶下。○疹癍氣丁香湯下。○五勞七傷枳  
實湯下。○口瘡棗湯下。○脚氣上攻心胸熱湯下。○  
心痛打損酒下。○傷酒傷食各隨色湯下。○敗血不

散米飲下。○難產黃葉湯下。○小便澀大黃湯下。○  
肺氣咳嗽杏仁湯下。○眼昏黑花黑豆湯下。○牙疼  
茱萸湯下。○小兒腹脹石榴湯下。○乍寒乍熱桃心  
湯下。○懷胎不安芎藭湯下。○口吐酸水訶子湯下。  
產前瀉利艾湯下。○小兒五疳乳汁下。○腹痛脇疼  
芍藥湯下。○大人每服五丸小兒及患人相度虛實  
加減丸數

青金丹

出王氏  
博濟方

治眾疾

巴豆

二兩先去心膜皮用頭醋漬之乾更用硫黃煮一伏時取出不用硫黃拌三二百下研如

青橘

去瓢

吳茱萸

附子

已上各半兩並一牛生一牛熟 檳榔

右為細末入巴豆煉蜜三兩入青黛半兩研細和丸

如菜豆大每服三五丸至十九服餌如後○丈夫遠

年氣疼醋湯下○丈夫背氣痛橘皮湯下○五般瘡

疾艾湯下○咳嗽杏仁湯下○一切風冷桃柳枝湯

下○痢疾烏梅湯下○大便不通大麻子湯下○心

痛胡椒湯下○婦人血氣不通當歸湯下○赤白痢

黃連湯下○赤眼桅子湯下○血汗蔥白湯下○

中毒桔梗湯下○赤白帶下芍藥湯下○霍亂木

瓜湯下○水瀉不止米飲下稍轉生薑湯下

金銀散

出王氏博濟方 治衆疾

白附子

炮取心

木香

半兩

龍骨

三分

肉豆蔻

半兩

乾

蝎

三十箇

肉桂

取心

黃連

取淨

桔梗

半兩

吳茱萸

微炒 白僵蠶

三分

人參

半兩

芍藥

半兩

川芎

半兩

知母

茯苓

半兩

當歸

半兩

檳榔

二箇一

豬牙

半兩

生巴

豆

二兩法製日日換湯浸二  
七日又用麩麩炒細研

右件用極細末次入巴豆於乳鉢內同研令勻然必  
用器調蜜於暖處候至七日後成散每用一匙湯引  
如後○卒中風羊髓酒下○頭旋菊花酒下○血淋  
大黃酒下○腰膝痛醋湯下○死胎水銀湯下  
二服  
取下  
○吐血竹茹湯下○腸風背陰繫柳草自然汁入好  
酒下又槲葉燒調酒下○寸白虫先喫牛哺後以蕪  
荑湯下○霍亂吐瀉新汲水下○婦人血氣暖酒下

○肺氣喘杏仁湯下○小兒一切疾未飲下○酒食  
傷薑棗湯下○冷血氣艾湯下○眼痛菊花湯下○  
疝氣茴香湯下○五淋木通湯下○瘡疾蒜醋湯下  
○久冷椒湯下○月脉不通熱酒下○赤帶赤豆湯  
下○白帶艾湯下○食癥橘皮湯下○產痛桃仁湯  
下○產後溫酒下○難產同驚風蝎稍湯下  
并入小  
便少許  
疔瘡等米飲下○赤白痢甘草湯下○白痢白朮湯  
下○赤痢地榆湯下○中熱麻黃湯下○鬼箭桃符

湯下○小兒勦蜜湯下○漆咬薑湯下○虎風虎筋  
 骨盡燒灰酒下○精神恍惚金銀湯下○婦人淋瘕  
 菜湯下○赤眼甘草湯下○腰膝痺冷牛膝湯下○  
 吃噫橘皮湯下○肺氣蛤蚧湯下○寒熱柳枝湯下  
 小兒誤吞錢膩粉湯下○水疾苦葫蘆湯下○膈上  
 熱淡竹葉湯下○風熱毒山梔子湯下○腰疽薑棗  
 調半錢下○誤喫水銀粉宣不止煎黑粉湯下○婦  
 人血勞黃瘦桂心湯服後下黑血瘥鮮血不瘥○五

勞猪膽湯服七日後鼻中出鮮血瘥黑血不○小兒  
 天癩風以蟬殼燒灰入小便調下可治

治項氣方出王氏  
博濟方

猪靨二七箇於  
九上乾甘草一兩桑白皮一兩黃藥少許膩粉

刺椿頭根皮一兩醋石榴根皮一兩

右為細末每服二錢以陳米飲調下空心夜卧服忌  
 生冷油膩動風物

臟邪丹出王氏  
博濟方下虛積化脾胃久伏積滯洩瀉不止產前

產後亦可服食

巴豆

三兩用水一椀煮冷水盡却炒作聲再用水浸七日去皮心出油用一兩乾薑一兩

炮令熟

漏蘆

一兩去蘆頭九蒸丸焙了取出用一兩

附子

炮去皮臍用一兩

右杵為末煮麵糊為丸如菘豆大以硃砂為衣每日

三九

橘皮湯下

太一金華散

出王氏博濟方

木香

官桂

去皮

白薑

陳皮

去穢

白蕪荑

當歸

白朮

吳茱萸

各用一分

大黃

半

檳榔

二枚

一熟

附子

大者一枚小者二枚用酥炙无酥蜜代之

黃連

半兩去毛頭

皂莢

二挺不蛀者浸去黑一代挺焙用一挺

巴豆

半兩用新汲水浸三日逐日換水去心膜別研如麵用

肉豆

寇一

枝

右為末次入巴豆同研然後將挑子傾入藥在裏面後用盞合定以塘灰火挑子上面一兩時辰久又取開盞子拭汗令藥性乾燥為度以匙抄動藥令勻修合後一七日方可得服之依方引用神効○宣轉用冷茶調下熱茶投之○霍亂剪乾芎藭蒲湯下○陰毒

傷寒發汗麻黃湯下○如血氣煎當歸酒下○一切  
風漢防已煎湯下○產胎橫煎益母湯下○胎衣不  
下暖酒下○腰脚疼煎薑蔥酒下○胎產後血痢煎  
當歸酒調下○小兒疳氣蔥薑湯下咳嗽桑白皮湯  
下杏仁湯亦得○食癥神麴湯下○吐逆薑湯下○  
瀉痢黃連湯下○積氣茶下○心痛蕪荑煎酒下○  
打撲損傷暖酒下○小兒蛔蛟冷水調下○妊娠氣  
心衝安胎酒下○小兒腸頭出用熟帶燒灰水調下

○大小便不通茶下以粥引○赤白帶下蜀葵湯下  
○腰痛履地不得酒下○敗血不散米飲下血刺茶  
湯下厚朴湯下亦得○血痢地榆湯下○血汗燒竹  
簞灰下須是久曾卧者因酒得疾酒下○因肉得疾  
肉汁下○麵熱得病白湯下○室女血脈不通衝心  
卜耳鼻青是中惡酒下可三服瘧脚氣冷茶下○五  
勞七傷猪膽汁下柴胡湯亦得忌熱麵○瘡癬氣唯  
上法用之○口瘡乾棗湯下○小兒五疳乳汁下○

肺氣咳嗽杏仁湯下胃氣不和陳皮湯下○一切瘡腫白蜀葵湯下○眼目昏黑茶湯下頭風髮落大黃湯下○邪氣中心頭灰湯下○產後血衝心酒下○懷胎體痛艾湯下懷胎動不得芎藭湯下懷胎心痛蕪荑酒下○已上大人小兒每服一時斟量與服請依方用神驗

九仙山何處士黑神圓

出王氏博濟方

巴豆

新好者一兩輕搥去皮以長流水約兩碗浸一宿然後更煮三五十沸後冷麈去心膜以

一布子拭去水然後研如膏用厚紙十數重裹以重物壓去油用軟為妙不得有鹽煮乾與上巴豆膏同研勻細 荆三稜 半兩生用 大戟 半兩生用 皮其裏面如粉 五靈脂 一分黑色者為上 杏仁 半兩燒過再研之

右藥杵羅極細方始入巴豆豉膏研勻後入杏仁更研令極細了別研入飛羅麵半匙以井花水調如糊漸次拌藥搜和得所入臼中搗三千杵丸如菜豆大曬乾收入磁瓶內合頓或微微火焙亦得具湯使

療如左○瘟疫時氣陰陽二毒傷寒及頭疼壯熱每服

十九或十五丸用葱白連須一莖好茶一盞潑蔥茶

內蓋定片時吞下以衣被蓋或吐或瀉或只汗出便

差如未吐未瀉未出汗更吃熱○一切風薄荷茶下

茶一盞便差但背風二三日待息○一切氣橘皮生薑湯下

九○傷寒腹脹薑湯下○小便利不通蔥湯下

氣喘急杏仁湯下○心痛醋湯下○血刺血疰血癥煎當歸酒下

○淋疾滑石湯下○赤眼山梔子湯下○中惡心氣悶

絕面青手冷桃人湯下○水吐砂氣虛脹滿急大小便赤

瀉橘皮湯下○眼昏葛粉湯下○疰刺氣桃仁湯下

水瀉新汲水下○赤痢山梔子七粒百草下○赤白

痢山梔子乾薑湯下○疳疾蛔蟲粥飲下○食傷茴香湯下

○酒傷白皮湯下○奔豚氣絞痛茴香湯下○水氣腫滿煎桑

如腎瀉下五丸○氣疾或上引攻心七葉湯下○小兒五

疳八痢腹脹氣惡茴香湯下○四時宣轉以五更初溫茶下

熱茶進之如轉瀉如多○凡有諸般疾壯只用熱茶

酒送下五七丸無不差驗然當用藥之時約人臟腑

虛寔加減丸數此藥寔可珍重為衛家之寶劑矣凡此察聽更須詳酌者矣曼應丸

甘遂 三兩 芫花 三兩 巴豆 三兩 去皮如修製巴豆子先以黃連水洗手 乾漆

皂角 七枚 去皮 大黃 三兩 三稜 三兩 蓬莪茂 二兩 檳榔 一兩

木通 一兩 當歸 五兩 雷丸 一兩 黑牽牛 五兩 桑白皮 一兩 五炙

脂 五兩 硃砂 三兩 訶子 一兩 麩裏 煨熱去面 澤瀉 三兩 梔子仁 二兩

右各洗子細剉入米醋二升浸三日入銀石器用慢火熬令醋盡焙乾再炒黃黑色存性入後藥同為末

如後

木香 肉豆蔻仁 桂 陳皮 湯浸 青皮 湯浸 丁香

香 黃耆 白朮 沒藥 附子 炮製 去皮 芍藥

牡丹 赤茯苓 白牽牛 炒 鱉甲 醋製 芫薺

天南星 水 熟地黃 酒浸 芫臺子 炒 乾薑 各二兩 炮製去皮

右同為末醋糊丸如菜豆大用在後須至誠靜室中合方神驗也○結胸油漿水下七丸未動再服○積

滯食癥水下三丸○水氣通身腫茯苓湯下五丸○

膈噎丁香湯下三丸○困積成勞鱉甲湯下二丸○  
 一切痛醋湯下七丸○小腸疝癖茴香湯下七丸○  
 大小便不通蜜湯下五丸○心痛茱萸湯下五丸○  
 尸疰走注木瓜湯下二丸○脚氣疼石楠湯下五丸  
 ○卒死以小便化七丸○白痢乾薑湯下一丸○赤  
 痢甘草湯下一丸○胃冷吐食丁香湯下二丸  
 神明白膏 治百病中風惡病及頭面諸病育青風目  
 爛耳聾鼻塞齩齒根挺痛及癩腫疽痔金瘡癰疥方

吳茱萸 蜀椒 芎藭 白朮 白芷 附子

前胡 桂心 當歸 細辛

右咬咀醇苦酒於銅氣中淹浸諸藥一宿以成煎猪  
 膏十斤炭火上煎三沸三上三下白芷色黃為候病  
 在腹內溫酒服如彈子一枚日三目痛取如黍米納  
 兩鼻孔皆中以日向風無風可以扇扇之諸瘡痔齩  
 齒耳鼻皆主之皆以膏傳病在皮膚灸手  
瘡病上日  
三時後服

衛侯青膏 治百病久風頭眩鼻塞涕淚出霍亂吐

逆傷寒咽痛脊背項強偏枯拘攣或緩或急或心

腹久寒積聚疼痛咳逆上氣往來寒熱鼠漏瘰癧節

疼腫關節盡痛男子七傷臃脹腹滿羸瘦不能飲食

婦人生產後諸病癰疥惡瘡陰疔腫蝕黃疽發背馬

鞍牛領瘡腫方

當歸 枯樓根 乾地黄 甘草 蜀椒 各六兩

夏桂心 七兩 芎藭 細辛 附子 各四兩 黃芩 桔

梗 天雄 藜蘆 皂莢 各一兩半 厚朴 烏頭 莽

草 乾姜 人參 黃連 寄生 續斷 青鹽

各三分 黃野葛 各二分 生竹茹 六分 巴豆 二十枚 石南 杏

仁 各一兩 猪脂 三斤 苦酒 一斗六升

右咬咀諸藥以苦酒漬一宿以猪脂微火上煎之三

下三上膏成病在內以酒服如半棗大在外麻手之

日三

烏香正氣散 治雜病

大香附子

十兩去毛刮淨醋炒過

好烏藥

去心炒黃

右為細末行當侵衝胃氣晨冷出入鹽點二錢止正氣祛邪辟鬼魅疫癘漫風理氣進食兼治犇厚傷寒葱白十莖生薑二兩同煎一碗作三服調藥熱服出汗○治傷風吹颼冒冷頭眩項弦背昏痛用熱酒一盞入蘇葉調服○治產後敗血攻心脾疼痛煎童子小便調下○治婦人血海冷面黃髮落稀少米飯調下○婦人髮落血衰經脈不調無顏色醋湯調下○

婦人血勞血瘕血癥血氣攻注疼痛當歸乳香酒調下○婦人經脈過多血崩不止燒薑灰一盞酒醋調下○婦人血氣衝心血氣不通血脈湛濁不勻芫花酒調下○婦人難產取酸草子吞三七粒以童子小便調藥吞下無草之葉或根○男子婦人血風血熱遍身紅痒漸成癩疾用荆芥酒調下○男子小兒腹痛臟毒瀉血用栝葉焙乾碾羅一錢末同藥三錢米飲調下○男子婦人疝風小腹急男子小腸氣膀胱

腎腧氣冷氣攻衝背脊絞疼痛並抄鹽茴香五靈脂  
蒲酒調下○男子女人吐血咯血唾紅痰用桑樹上  
黃赤未落葉為末一錢同藥飲調下○治蠱毒瘧忤  
鬼氣神昏用人參煎服○治大人小兒宿食不消意  
氣不順噎逆不通一切氣病入生薑棗同煎調下或  
鹽點服○治癰癤疥癩瘡癬荆芥茶或酒調下○治  
大人腹中有蟲小兒疳氣諸蟲腹脹肚大面黃髮疎  
服精肉瘦並用檳榔磨湯調下仍空心服○治大人

小兒脾寒瘧疾寒熱往來惡心頭疼用乾薑良薑各  
一小塊搥碎入鹽同煎○一切痔漏用枳殼末一錢  
酒調下○治大人小兒中焦痼寒積冷氣刺氣塊心  
腹膨胸膈滿悶脾胃虛弱嘔吐飲食胃冷多痰並入  
生薑十片大附子末一錢鹽一匙煎之○治男子女  
人小兒中惡心痛腹疼男子小腹撮痛婦人脾血痛  
並用五靈脂蒲黃各一錢醋炒鎔趁熱再入酒一盞  
同調下○治大人小兒夜起頻數真阿膠用蛤粉炒

成棊子為末用二錢同酒調下空心服○治大人小  
 兒一切牙痛用荊芥單揆末對用搯牙荊芥湯漱去  
 ○治大人小兒冷熱不解瀉痢交作血氣不和用烏  
 梅乾薑甘草湯調下○治大人小兒積熱不解酸漿  
 草研自然汁二合井水同調下

雜治 用十月後收芋晒乾冬月食之不生病又和鯽

魚鯉魚作臠食之良

沈香如意丸 天台羅漢治丈夫婦人百病

宣連去毛 乾地黄洗切 大黃生用 白茯苓生用 厚朴去

用黃汁抹各一兩半 紫苑生用 人參二兩 川烏剉去皮

內乾地黄用二兩 漢防已切 紫胡剉 川椒法醋煮醋 羌活剉 甘草炙

麥門冬去心 白朮熱灰 以上各一兩一分如四分

一人參亦 肉蓯蓉洗切 石菖蒲去毛 檳榔切 當歸

用一兩 頭用好 車前子焙 茯神切 青橘皮去白 川芎剉 木

香剉 乾薑炮 皂角不蛀去皮 巴豆去殼心醋浸 吳

茱萸 陳橘皮去白 桔梗焙 黃耆蜜炙剉 沉

香一兩肉豆蔻一兩

畧去皮

乳香一兩

別研

右為末入沈乳二香和勻用蜜一斤半煉過搜聚淨石臼內杵三千下丸如桐子大每服五丸至七丸至十九此藥主脾胃疼痛心腹偏僻一切難療之疾或臟腑積聚膈氣不通四肢勞倦氣塊大極如攬山風瘴毒不問百病纔覺意思不快先進一二丸服無不效量虛實如減病狀如後○噎塞氣逆薑湯下○傷寒不解蔥白湯下○胃膈滿悶脾胃肚脹膀胱腎氣

茴香湯下○兩脇氣痛婦人血積蔥醋湯下○番胃吐食膈脹宿砂湯下○上氣喘嗽脾積良薑湯下○心氣攻刺不可忍薑醋湯下○乾濕腳氣木瓜湯下○小兒奔疝米粟湯下三丸○驚憂氣丁香湯下○傷冷氣咳嗽馬兜苓湯下並空心食後服○傷食惡心脹滿用生薑湯送下常服寬中順氣消滯用橘皮湯送下○一切氣疾痰厥百藥醫不效者但誠至虔心服餌

煉蜜法

用蜜一斤十二兩煉取一斤半入北棗去皮核五十箇同蜜煉滴水如珠不散為度

神靈丹

出醫學切問

杏仁四十 半夏四十 巴豆四十 防風 滑石 草

烏頭炮 雄黃 木香 硃砂 百草霜各二錢

右為末醋糊丸如绿豆大硃砂為衣每服十五丸量深淺加減服之○喉痺甘草桔梗湯下○食牛肉毒

溫水下○泄瀉陳皮湯下○五淋燈心湯下○白痢

薑湯下○赤痢甘草湯下○解一切毒甘草湯下○

癰疽瘡毒氣血不消生薑升麻湯下○疥癩瘡毒白

茯苓甘草升麻湯下○追取勞蟲空心桑白皮湯下

○脾積三稜蓬木煎湯下○痰嗽生薑湯下○酒食

所傷隨物送下○腳氣攣柳煎湯下○血痢烏梅煎

湯下○打撲傷損瘀血在肉童便下○十種水氣四

肢浮腫大戟湯下○一切瘡疾稍葉桃柳七片煎湯

下○大便閉結麻子仁湯下

神仙如意丸

出楊氏家藏方

治男子婦人一切風勞氣冷心腹

積滯脾寒瘧疾膿血瀉痢咳嗽目疾小兒諸疾雜病

方

砒二兩

別研黃丹五分

草烏頭

五錢生去皮尖為末

硃砂

一錢別研巴

豆十二枚

去皮不去油

大蠶

六枚去殼別研生用

雄黃

別研

黃蠟

二兩

青

二兩別研

右件前七味研勻次鎔黃蠟歷青二味濾過與前藥

末搜和圓如鷄頭實大以硃砂為衣每服一圓隨病

証用湯使送下如心痛及脾寒瘧疾燒鉄滓醋湯下○允痢

脫肛及休息痢脾虛泄瀉並以陳艾心七枚棗三枚乾薑一塊皂一錢水

一盞煎至半盞下愈○寒熱氣塊嚼乾用白湯下○一切酒

食傷生湯下○赤白痢乾薑灰半兩炙眼多冷淚淚不

止煎椒鹽湯下○暑氣並熱嗽乳糖生○小便冷淋茴香

酒調海金沙炒茴香末一錢一分○男子小腸氣鹽酒下○婦人赤白帶

下燒趕鍾淬醋送下○血山崩及血瘕燒稱鍾月經不勻當

紅花湯下

○小兒急慢驚風丸

如黃米大小兒急驚風金銀薄荷湯下慢驚金銀湯

下

○小兒瀉痢

丸如菜豆大以艾心三枚棗一枚薑三片水一盞煎至二分下半丸

經進烏頭丸

出衛生家寶方

治五臟諸疾腹內積聚多年氣塊

大如碗小如盞或冷氣攻臍腹攪痛十種水病番胃

嘔逆五淋五痔各種心疼一切腹痛諸風癰瘡頑痺

傷折內損天陰多痛或婦人無子斷續多年或小兒

驚癇手足煩熱能除膏肓之疾

川烏

炮去皮尖二兩半

黃連

去頭

肉桂

取心

乾薑

炮川椒炒去目

遠志

去心人參

石菖蒲

桔梗

防風

去尾巴豆

膜心出油研白茯苓

吳茱萸

洗厚朴

姜汁製紫苑

洗紫

胡杏

去皮甘草

炙猪牙皂

角

文去黑皮

上各半兩

右為細末煉蜜為丸如菜豆大每服三丸空心或臨

卧酒送下漸加至五丸功效不可具述

烏藥散

出衛生家寶方

治傷脾傷暑傷風傷氣傷冷吐瀉洩瀉

惡心寒熱頭疼體重倦怠不思飲食榮衛不順肢節

不和諸証不論冷熱百病先進三兩服大人小兒孕

婦室女皆可服每服六錢生薑二片棗一枚水八分  
盞煎至五六分不計時候沸湯酒點服亦得

烏藥

六兩半去心切片子

白芷

六兩半

白朮

二兩半

蒼朮

三兩末泔浸一宿切

片子

甘草

六兩半炒

青橘皮

六兩去穰

右件焙乾碾為細末炒共重三十兩

紫葛丸

紫葛

石膏

人參

丹參

紫參

苦參

元

參

細辛

齊鹽

代赭

茯苓

巴豆

烏頭

各三分

乾薑

桂心

獨活

各五分

右為細末蜜和搗萬餘杵丸如小豆大每服六丸食  
前三丸食後三丸忌五辛猪雞魚蒜若覺體中大熱  
各減一丸服後十日得利黃白汁大佳婦人食前食  
後只服二丸兩歲以下小兒服丸如米粒大此藥治  
冷熱不調兼腹中積聚心腹滿心下堅痰飲宿食吐  
逆上氣短氣咳嗽咽喉鳴黃疸久瘡面腫身浮腫四  
肢煩腫坐起體重熱病濕匿下部痒體瘡痒闕格不

通大腸出熟淋下利顏色不定羸瘦無力弱房少精  
精冷身體斑駁從高墮下絕傷墮胎傷損血皮肉焦  
爛月水不定或後或前月水斷心下悶滿肩膊沉重  
小兒百病小兒癘氣乳芻不消小兒身常壯熱腹內  
有病服之比瘥尤令人肥悅好顏色強陽道能食飲  
性亦宜患熱人服

凡割喉者用脚騎患人頭項以絲線先縫內喉管却縫

外喉管

出永類  
鈴方

用封血藥或喉被人打葉了以手搖圓之

割項見急濟方若喉結傷重喉斷不治結下食喉管斷  
以湯與之得入腸可治若並出不治

用江邊厚蚌殼燒存性入赤石脂國丹油調塗消腫  
散血合口加血竭國丹乾搭

礬石丸

出續易  
簡方

治外寒客搏內冷相合氣收夜聚化而

成飲因服熱藥自腰已上復增客熱散而為汗亡陽  
內虛睡中驚悸服此溫利

礬石

煨一宿  
二兩

旋復花

桂

去粗皮

枳寔

浸去核  
麩炒

人參

各五

乾薑

芍藥

白朮

各一兩

茯苓

烏頭

炮去皮

細辛

去苗

去苗

大黃

濕紙  
裹煨

厚朴

去皮  
姜製

吳茱萸

炒

芫花

炒  
橘

皮

各一分

甘遂

炒一分

右為末煉蜜丸如梧子大飲下五丸未知漸加

治眼目頭面口齒鼻唇耳諸疾

出本  
事方

用枇杷葉去毛焙乾末用茶調下一二錢日三服

楊氏內抵黃芪丸

出永類  
鈐方

治針灸傷經絡流膿不止

黃芪

八兩

當歸

三兩

肉桂

木香

乳香

別研

沉香

各一兩

右為末菜豆粉四兩薑汁煮糊丸桐子大每服五十

丸熟水送下不拘時

千金丸

治中風虛寒停留飲食膈氣噎氣五積六聚

反胃吐食胃腹脹滿刺痛及心痛徹背手足不收言

微氣短或結癥塊在腹脇間大如杯盤時發痛及咽

酸吐苦氣逆喘咳飲食不進漸至浮腫久病痢泄霍

亂吐下勞傷虛損羸瘦憔悴痰多積水疝氣痞氣奔

豚等氣于藥到處即時效應一切胃弱臟虛腹內諸  
冷並主之

烏頭 附子 川椒 桂心 吳茱萸 菖蒲

遠志 人參 茯苓 蒼朮 枳殼 茴香 神

麩 麥蘖 胡椒 乾薑 肉豆蔻 木香 縮

砂 紅豆 三稜 蓬朮 陳皮 白豆蔻 丁

香 藿香 甘草 桔梗 薏苡 山藥 白匾

豆 良薑 益智 等分

右末蜜丸彈子大每服一丸湯飲嚼下胃隔病即食

後服

炒鉛丹法 出本

草

用鉛一斤土硫黃二兩硝石一兩先鎔鉛成汁下醋  
點之滾沸時下硫黃一小塊并續下硝石少許沸定  
再點醋依煎下少許硝黃已消沸盡亦盡炒為末成

丹

治五藏百病養神安魂魄益氣明目通血脈止煩滿益

精神殺精魅惡鬼氣久服通神明不老輕身令人心

靈

出本草

以水銀一兩硫黃六銖細研先炒作青砂頭後入水火既濟爐抽之如束針絞者乃成靈砂服之

澤瀉湯

出本草

治雜病心下有支飲苦悶

以澤瀉三兩白朮二兩水二升煎取半升溫再服深師治支飲亦同用瀉朮但煮法水別先以水二升煮二物取一升又以水一升煮瀉取五合合此二升汁

分為再服病甚欲眩者服之必瘥

服何首烏法

出本草

何首烏赤者雄白者雌採時乘濕以布帛拭去土後用苦竹刀切米泔浸一宿暴乾忌鐵以木臼杵搗末酒服一云春採根秋採花九蒸九曝乃可服何首烏傳云何首烏者順州南河縣人祖名張嗣父名廷秀能嗣長慕道術隨師在山因醉夜卧山野忽見有藤二株相去三尺餘相交久而方解了又交驚訝其異

至且遂掘其根歸問諸人無識者後有山老忽來示之荅曰子既無嗣其膝乃異此恐是神仙之藥何不服之遂杵為末空心酒服一錢服數月似強因此常服又加二錢服之經年舊疾皆痊髮烏容少數年之內即有子名延秀秀首烏首烏之名因此而得生數子年一百餘歲髮墨有李安期與首烏鄉里親善竊得方服其壽至長遂叙其事何首烏味甘生溫無毒茯苓為使治五痔腰膝之病冷氣心痛積年勞瘦痰

癰風虛敗劣長筋力益精髓壯氣駐顏黑髮延年婦人惡血瘕黃產後諸疾赤白帶下毒氣入腹久痢不止其功不可具述一各野苗二名交藤三名夜合四名地精五名首烏本出處州江南諸道皆有之苗葉有光澤有如桃李葉雄苗赤根遠不過三尺春秋可採可月乾去皮為末酒下最良有疾即用茯苓湯下為使者常杵末新磁器盛之忌猪肉血無鱗魚觸藥無力此藥形大如拳連珠其中有形鳥獸山岳之狀

足珍也。搥得去皮生喫，得味甘，甜休良。讚曰：神効助道，著在仙書。雌雄相交，夜合晝疎，服之去殼，日居月諸，返老還少，變安病軀，有綠者，遇傳之，勿泄，最妙。自如明州刺史李遠傳，祿經驗何首烏所出，順州南河縣詔州潮州思州賀州廣州四會縣潘州已上出處，為上邕州晉興縣桂州康州春州勤高州循州已上所出次之。其仙草五十年者，如拳，大號山奴服之一年，髭鬚青黑；一百年如碗，大號山哥服之一年，顏色

紅悅。一百五十年如盆，大號山伯服之一年，齒落重生。二百年如斗，拷搥大號山翁服之一年，顏如童子。及奔馬三百年，如三斗，拷搥大號山精服之一年，延齡純陽之體。久服成地仙。又李暉因著方錄云：春末夏中，初秋三時候，晴明日，薰雌雄採之列，日暴乾，散服酒下。良採時，盡其根，乘潤以布帛拭去泥土，勿損皮。密器貯之，每月再暴。凡服偶日二四六日，服訖以衣覆汗出，導引尤忌猪羊血。

治百病煨製雲母粉法

以雲母一斤拆開揉碎入一大瓶內築實上凭水銀一兩封固以十斤炭火煨通赤取出却拌香葱葉引翹草二件合搗如泥後以夾絹袋盛於大水盆內搖取粉餘滓未盡再添草藥重搗如前法取粉沈水乾以小木盆一面于灰上印一淺坑鋪紙傾粉在內直候乾移入火焙之取出細研以麪糊丸如桐子大遇有病者服之無不效知成都府辛諫議曾忠惠大風

衆醫不效遇此道士進得此方服之有神驗

服稀莖法

稀音喜  
莖音枚

稀莖俗名火枚草端午日採者固佳六七八月採終不若九月採者其子稈花寔氣足尤妙去其根五寸留葉先以冷熟水淨洗過曝用少酒灑上甑蒸飯久取曝乾九蒸九曝除其燥性曝乾以紙袋盛掛當風處用時碾為細末煉蜜如搗千杵為圓如桐子每日早食前服五十九漸加至百餘丸服了以三兩匙飯

壓之只忌白馬肉餘無所忌服一兩月後所患或發動是藥搜攪切勿畏之以其補虛損培元氣最有功一名火輪丹勝于服椒木何首烏之効服之覺燥即減圓數時以生蜜入薑煎沸湯點服或水調亦得此草處處有之春生苗葉似芥菜而狹長莖高三二尺秋初有花秋暮結實苗葉赤稈色紫者為上青色者次之須要辨認節葉相對其根白枝幹方稜花小而黃向上開葉青下有金絲絞者乃稀莧也其根白枝

幹圓花黃而向上開如杓狀葉色深綠者下無金絲絞節葉不相對者乃鶴蟲也但稀莧高於鶴蟲其枝葉亦畧似蒼耳牛勝不可不細辨也○諸般風氣痢桑枝上木耳湯下○冷氣痢冷風乾姜湯下○軟風頑麻風白殭蠶湯下○諸風勞氣溫酒或鹽湯下○奔豚氣膈氣腎餘氣乳香湯下○筋骨風炒皂夾子湯下○血風氣云臺子湯下○久患血痢荆芥湯下○疴蛔蟲飯飲下○一切風疾人參湯下○寸白蟲

空心先喫牛肉脯後用飯飲下

江陵府節度使成訥進稀簽丸 奏狀載  
在本草

臣有弟訥在三十一中風牀枕五年百醫不差有道  
人鍾針者因覩此患曰可餌稀簽丸必愈其藥多生  
沃壤高三尺許節葉相對其葉當夏五月以來收每  
去地五寸剪剝以溫水洗泥土摘其葉及枝頭凡九  
蒸九曝不必太燥但取蒸為度仍熬搗為末丸如桐  
子大空心溫酒或米飲下二三十丸服至二千丸所

患忽加不得憂慮是藥攻之力服至四千丸必得復  
故五千丸當復丁壯臣依法修合與訥服果如其言  
鍾針又言此藥與本草所述功效相異蓋出處盛在  
江東彼土人呼猪為稀呼臭為簽緣此藥如猪臭氣  
故以為名但經蒸曝簽氣自泯每常服後須喫飯三  
五匙壓之五月五日採者佳

張忠定公詠進火枚草方 表載在本  
草及類苑

臣聞滄石飲水可作充腸之饌餌松食栢亦成救病

之方是以療飢者不假于珍羞愈病者何煩於異術  
既獲濟時之藥敢陳彼物之形不止管窺輒于天聽  
臣中謝臣謂四時推運負陰陽者必有可觀萬彙發  
生吐風土者寧無所益俱承帝力咸荷天休或叨摘  
採之知願試苦辛之効伏惟陛下慈深憫物道切憂  
民行百王久墜之文納羣后可言之事以至恩沾兆  
庶信及豚魚風雨順而災沴不生天地和而黎元盡  
宸衷不倦聖意難窮臣因聽政之余備閱古方之秘

盡醫民瘼徧討物情唐太宗輕剪龍須為思一將宋  
高祖碎春琥珀止慰三軍又馬能病吾皇廣添歷代  
之寶書甄別三王之所澤咸蘇萬有溥活羣生覆冒  
久照之方明幽罔闡華夏昇平之俗造次奚論臣遭  
逢盛時歌謠景運皇風之下聖慮猶勞不忍緘言常  
思報國既服唐虞之教尚抒葵藿之忱森森羣沍已遂  
朝宗之望茫茫列曜更投拱極之誠是以不度僭踰  
輒形間翰事稍同於葑菲理切近於芻蕘臣所奏聞

者因換當州龍興觀元始天尊玉皇大帝殿基得一  
小名石彈子內說脩養氣術并草藥方二件臣依方  
差人訪問採覓其草頗有異形金稜銀捍素根紫葉  
對節而生蜀號為火杓草莖葉頗同蒼耳不費登高  
厯險每常求少獲多急採非難廣收甚易儻歷久服  
旋見神功誰知至賤之中乃有殊常之効微臣自喫  
至百服耳目輕明即至千朝髭鬢烏黑筋力頗健効  
驗多端臣本州右都押衙羅守一曾因中風墜馬失

音不語臣與十服其病立愈又大慈寺中知院僧同  
副正明教大師知嚴年垂七十忽患偏風行履妨廢  
臣與十服旬日並瘳有玉局化主道士皇甫因上元  
日與合城奏醮中忽口眼斜時時吐瀉臣與十服立  
便得差今輒脩合一百劑謹差奉番員史元龜奉表  
奏進臣無任瞻望聖恩激切之至謹奏

右藥雖載方冊人多忽之蓋未知其驗也歲在壬戌  
僕見左軍統領官鞏材老而色潤宿髮如添飲啖倍

人問其年若何荅曰六十九再詢何以至是乃云自四十九歲服火枚草空心溫酒或鹽湯下百五十九間有疾服他藥數日則鬚髮差黃再服是藥數日其黑如初坐問前武興蔡戎幹晉卿云其先節使亦服此藥三十年晚歲康強步履輕快享年八十一微二子幾失此方惜乎僕老矣服之苦無近効有客勸僕試脩製服餌何傷也每日早晚共服二百丸治七萬丸方覺得力當盡此生而不輟則本草所載二公之

奏近日二字之言豈欺我哉然不可不書以告人俾感年信而服之必收晚年之奇効也

服鹽方

出肘後方

療暴得熱病頭痛目眩并卒心腹痛及欲

霍亂痰飲宿食及氣滿喘息久下赤白及積聚吐逆之氣少力顏色痿黃瘴瘧諸風服法如後

取上好鹽先以大豆許口中含勿咽須臾水當滿口水近齒更用方寸匕抄鹽內口中與水一時咽不爾或令消盡喉若久病長服者至二三月每旦先服或

吐或安急卒病可服三方寸匕取即吐利不吐利更  
加服新患瘧者服即差心腹痛及滿得吐下亦佳久  
病每以心中熱為患三五日一服佳加服取吐利利  
不損人久服大補腎氣五石無不差之病但憫人不  
服服不能久取此為瘧方不一云又卒心痛鬼氣宿食  
不消霍亂氣滿中毒咸作湯服一二升吐之良

治猫鬼野道病歌哭不自由方

以五月五日自死赤蛇燒作灰研令細平旦用井華

水調服一錢一方用臘月死兒頭髮灰水服一錢

又方 用臘月猪脂小兒頭髮灰相和熱酒調下一錢

致鼠

出本草

以蠬用黑犬血灌三日燒之諸鼠畢至又和敗漆燒  
之亦至

治身有赤疔

出本草

常以銀搗令熱久漸漸消

治百病長生神仙方

出本草

以百草花煮汁釀酒服之異類云鳳剛者漁陽人也  
常採百花水清付泥埋之百日煎為丸卒死者納口  
中即活

治一切病

出本草

以訶梨勒長五寸者帶之○昔高仙芝大食得訶梨  
勒長五寸初置抹肚中便覺腹中痛因大利十餘行  
初為訶梨勒為崇因欲棄之後問大食長老云此物  
人帶之一切病消利者出惡物耳仙芝甚保貴天寶

末被誅遂失所在

治五野鷄病

出本草

以蝦煮食之

治百病

出本草

以胡麻蒸為末白蜜為丸服之

去百病長生通神

出本草

以十月上巳日採槐子隨湯使服之槐者虛星之精  
也

治野鷄病

出本草

以杏仁一兩去皮尖雙仁槌碎水三升研濾取汁於

銚中煎以杓攪轉在手候三分減二冷呷之不熱及  
熱呷之即令人吐

治斷酒

出本草

取鷓鴣糞灰水服方寸匕

一名蜀水花

治百病

出本草

令人身輕

以桃膠角桑灰漬之服百病愈常服令人身輕有光  
明在晦夜之地

治人耽睡

出本草

搗花穀葉服驗

治男子患未可及新瘥後合陰陽垂至死

出本草

取白馬糞五升絞取汁好器中盛停一宿一服三合  
日三夜二服

醒睡

出本草

以酸棗噉之

治吃

出本草

取鴿鴿炙食之小兒吃者不過一枚瘥也

令人通夜不睡

出本草

以瓜蘆木葉作屑炙汁服之

治惡疾目昏不辨人物眉髮自落鼻梁崩倒肌膚有瘡

如癬

出本草

用皂角刺一二斤為灰蒸久曝研為末食時濃煎大

黃湯調一錢○昔催言者職隸左親騎軍一旦得疾  
雙眼昏咫尺不辨人物眉髮自落鼻梁崩倒肌膚有  
瘡如癬皆為惡疾勢不可救因為洋州駱谷歸寨使  
遇一道流自谷中出不言名姓授此方服一旬鬢髮  
再生肌膚悅潤眼愈信常明傳此方後却入谷不知  
所之

治諸吃噫出本  
草

用橘皮二兩湯浸去瓢剉以水一升煎至五合通熱

更加枳殼一兩去瓢炒同煎之服効

麝香散出衛生  
家寶

治運血不歸肝或吐逆或便血服之大

安心胃并治傷寒及小兒吐此方累効

人參 白茯苓 芎藭各半 麝香一錢 藿香葉一分

薑陸香二錢 辰砂一分 丁香一分 新者不可見火

右為末每服一錢薄荷棗子湯下小兒半錢薄荷蜜

湯調下

療男子婦人小兒大腹黑血如濃茶色或膿血如淀色

若蟲疔者服此

能殺五臟蟲

出本  
草

取則柏葉焙乾為末與川黃連同煎為汁服之有效

杏酥法能去風虛除百病

出本  
草

搗杏仁一石以好酒二石研濾取汁一石五斗入白  
蜜一斗五升攪勻封於新瓮中勿洩氣三十日看酒  
上酥出即納磁瓶中貯之取其酒滓團如梨大置空  
屋中作格安之候成胎脯狀旦服一枚以前酒下其

酒任性飲之

治稷米飯與瓠子同食令冷病發

出本  
草

用黍醖汁飲之即瘥

潤肌肉通血脈

出本  
草

服胡桃初日一顆五日加一顆至二十顆止常服令

人骨肉細膩光潤

治面目烟悶四肢不健通十三經脈洗五臟惡氣

出本  
草

以惡食作菜常食之令人身輕

治人健行

出本  
草

用胡麻油傳兩足綰帛裏之可日行萬里

辟疔

出本  
草

以仙人杖水以服之

除寒熱不通之氣

出本  
草

用通草煮汁釀酒妙

取汗方

出本  
草

以大甑中蒸土一兩石熟坐卧其上取處熱徹汗徧  
身仍隨疾服藥和鼠壤用亦得

治一切血氣及一切冷疾去百病久服延年不老

出本  
草

取扶芳藤一名藤以莖葉細剉煎性冷以酒浸服昔  
隋朝稠禪師作青飲進煬帝以止渴又云藤苗小時  
如絡石薛荔當緣樹上三五十年漸大枝葉繁茂採  
取之

治霍亂腹中不安消穀理胃氣温中除邪痺毒氣

五月五日採小蒜曝乾葉主心煩痛解諸毒小兒丹  
軫不可久食損人心力黃帝云食小蒜噉生魚令人

奪氣陰核腫求死三月勿食小蒜傷人志性

令人通夜不寐

用馬頭骨作枕枕之

鹽主殺鬼蟲氣下部匿瘡傷寒熱吐胃中痰癖上心腹  
卒痛堅肌骨黃帝云食甜瓜竟食鹽成霍亂又主大  
腸不通

取鹽和苦酒傳臍下乾易愈

治一切病患

用預知子日服二七粒患者不通三千粒永瘥

治百病無問傷寒中風咳嗽瘕積水腫瘡疥癰瘧氣急  
月候不調秘澁氣痢等病

用葳靈仙一味洗浸焙乾為末用好酒和令微濕入  
竹筒內牢塞口九蒸九曝如乾添酒重洒以白飯和  
丸如桐子大每服二十九至三十九丸湯酒任下

治百病 右單採菖蒲得緊小似魚鱗者擇一斤許以  
水及米泔浸各一宿又刮去皮切碎搗篩以糯米粥

和勻入蜜為丸如桐子大稀葛袋盛置當風處令乾  
每日一酒飲任下三十九臨卧更服二十九久得効

治人夜卧讖語 用靈牀上菓子食之即差

濟世丹

斑猫一錢去頭翅 全蝎一錢去足另研 草烏一個去皮 雪膏一兩宿乾另研

沈香屑一錢 木香一錢 芭荳一錢去皮油 蓬莪朮二錢 江黃二錢

丁香一錢 粉霜一錢 草薺一錢 荆三稜二錢 礶砂一錢

三索子一錢 肉荳蔻二錢 檳榔二錢 香附子二錢 甘草二錢

烏藥二錢 雄黃一錢 麝香一錢 半另研 研用好者

右二十二味為細末打醋麵和丸如小桐子大硃砂  
為衣每服三九五九七九九九十一九十三九十五  
丸服者只用單數鹽湯送下温水亦得不損真氣除  
疾根治百病凡傷心腹疼痛膈滿悶不思飲食及  
癥瘕食積氣塊並皆治之如諸病所傷隨所傷病作  
引子如酒傷酒下○茶傷茶下○麵傷麵湯下○大  
小便不通温水下○九種心疼石菖蒲湯下○泄瀉

不止乾薑湯下○赤痢甘草湯下○白痢陳米湯下  
○翻胃吐食人參湯下○八般瘧氣疝氣小茴湯下  
○婦人經病艾醋湯下○經閉不通紅花湯下或蘇  
木湯下○小兒內傷滑腸夜起宿食不化生薑湯下  
○婦人赤白帶黃艾湯下○牛馬肉所傷酒汁下○  
上至八下至童男女週歲三歲小兒結病在身此  
藥並皆治之和脾胃順三焦磨積順氣大有神効小  
兒常服米飲湯下

春秋二時龍帶精肉入芥菜中人遇食之為病發時手

青肚滿痛不可忍因作蚊龍病

方見諸毒門解毒類

獨聖散吐劑

砒不拘多少

右為細末每服一分以新水調下撥開牙關灌之尋  
常勿用



普濟方卷二百五十六

總校官候補知府 臣葉佩蓀

校對官編修 臣馮敏昌

謄錄監生 臣張鳳鸞